

千金要方

附衍義  
江左書林印

4

□ Chinese

~~Vol IV~~

v. 6



Vertical text on the left edge of the page, likely a page number or binding mark.

Faint, illegible text impressions at the bottom of the page, possibly bleed-through from the reverse side.



七竅病方 凡九類

目病第一 論一首 方六十九首  
證三首 灸法二十八首

論曰凡人年四十五已後漸覺眼暗至六十已後還漸明目治之法五十已前可服瀉肝湯五十已後不可瀉肝目中有疾可傳石膽散藥等無病不可輒傳散但補肝而已自來肝中有風熱令人眼昏暗者當灸肝脘及服除風湯圓散數十劑當愈

生食五辛

接熟飲食

熱餐麪食

飲酒不已

房室無節

極目遠視

數看日月

夜視星火

夜讀細書

月下看書

抄寫多年

雕鏤細作

博奕不休

久處烟火

泣淚過多

刺頭出血過多

右十六件並是喪明之本養性之士宜慎護焉又有馳騁田獵冒涉風霜迎風追獸日夜不息者亦是傷目之媒也恣一時之浮意為百年之痼疾可不慎歟凡人少時不自將慎年至四十即漸眼昏若能依此慎護可得白首無他所以人年四十已後常須瞑目勿顧他視非有要事不宜輒開此一術護慎之極也其讀書博奕等過度患目者名曰肝勞若欲治之非二年閉目不視不可得瘥徒自瀉肝又作諸治終是無效人有風疹必多眼昏先攻其風其暗自瘥

足太陽陽明手少陽脈動發目病

黃帝問曰余嘗上清冷之臺中陞而顧匍匐而前余私異之竊內怪之或獨冥視安心定氣久而不解被髮長跪俛而視復久之又不已卒然自止何氣使然岐伯對曰五臟六腑之精氣皆上注於目而為之睛睛之果者為眼骨之精為瞳子筋之精為黑眼血之精為其絡果氣之精為白眼肌肉之精為約束稟契筋骨氣血之精而與脈并為系系上屬於腦後出於項中故邪中於項因逢身之虛其入深則隨眼系以



入於腦入於腦則轉轉則引目急急則目眩以轉矣邪中其睛則其睛所中者不相比則睛散睛散則  
歧故見兩物目者五臟六腑之精也榮衛魂魄之所榮也神氣之所生也故神勞則魂魄散志意亂是故  
瞳子黑眼法於陰白眼赤脉法於陽故陰陽合揣而精明矣目者心之使也心者神之舍也故神分精亂  
而不轉卒然見非常之處精神魂魄散不相得故曰惑帝曰余疑何其然也余每之東莞未嘗不惑去之  
則復余惟獨為東莞勞神乎何其異也岐伯曰不然夫心有所喜神有所惡卒然相感則精亂視誤故神  
惑神移乃復是故問者為迷甚者為惑 目皆外決於面者為兌皆在內近鼻者上為外皆下為內皆目  
赤色者病在心白色者病在肺青色者病在肝黃色者病在脾黑色者病在腎黃色不可名者病在胸中  
診目痛赤脈從上下者太陽病從下上者陽明病從外走內者少陽病 夫鼻洞鼻洞者濁下不止傳  
為歛曹瞽目故得之氣厥足陽明有俠鼻入於腦者名曰懸顛屬口對入係目本視有過者取之損有餘  
益不足反者益甚足太陽有通頂入於腦者正屬目本名曰眼系頭目固痛取之在項中兩筋間入腦乃  
別陰蹻陰陽相交陽入陰出陽交於兌皆陽氣盛則為之瞽目矣陰氣絕則為之眠瞽矣

神麴圓 主明目百歲可讀註書方 神麴 四兩 磁石 二兩 光明砂 一兩 右三味為末煉蜜為丸如梧

子大飲服三九日三不禁常服益眼力眾方不及學者當知此方神驗不可言當秘之 一名磁

〔衍義〕 磁粟北方坎水之精硃稟南方離火之氣以二味質重故藉神麴發越其沉著之性以鎮神水

之不清千金原用蜜丸日服梧子大九丸近世即於本方中分出神麴一兩調糊代蜜為丸空心米湯

下三十丸因病緊一時急療之法非常服保光之謂其蜜丸麴丸多服少服之義隨時酌量可也

瓜子散 治眼漠漠不明補肝方 亦名十冬瓜子 青柏子 羌蔚子 枸杞子 牡荊子 蒺藜子

兔絲子 蕪菁子 決明子 地膚子 柏子仁 酪 二 牡桂 萸萸根 酪 二 麩仁 一合 車前子 一兩 細

辛半兩 右十六味治下篩食後以酒服方寸匕日二神驗

〔衍義〕 前方煖發靈臺此方隨性類聚方下所云治眼漠漠不明雖言補肝而益腎之味亦復不少方



中冬瓜子益氣令人悅澤好顏色青柏子入肝明目羌蔚子益精明目枸杞子治腎虛目暗壯荆子除風熱開經絡導痰涎行血氣蒸藜子治惡血破積聚明目輕身兔絲子去風明目入肝腎氣分蘊菁治熱毒風腫子專明目決明子治青盲目淫膚赤白膜眼赤淚出地膚子久服耳目聰明柏子仁除風濕安五臟令人耳目聰明壯桂利關節通神明蓂蕒根即木通去熱翳赤白障蕤仁治心腹邪熱結氣目赤腫痛皆爛淚出車前專治水輪不清細辛明目利九竅總取補肝明目之用肝血清而腎水受陰矣

補肝圓 治眼暗方 青柏子 桂心 葶藶 杏仁 細辛 羌蔚子 枸杞子 五味子 酪 茯苓 黃芩 防風 地膚子 澤瀉 決明子 麥冬 蕤仁 車前子 兔絲子 乾地黄 三

兩 兔肝一 右二十味為末蜜丸飲下二十九如梧子日再加至三十九

行義 即於瓜子散中除去瓜子壯荆蒸藜蒸菁柏仁蓂蕒根六味參入防風黃芩散風熱茯苓澤瀉

滲濕熱地黃冬味滋燥熟葶藶杏仁開結熱其補肝之力全在兔肝一味

又方 治眼暗眈眈不明寒則淚出肝腎所損方 兔肝二具 柏子仁 乾地黄 茯苓 細辛 蕤仁 枸杞子 各一兩 防風 芎藭 山藥 各一兩 車前子 一合 五味子 十八 甘艸 半兩 兔絲子 一合 右十

四味為末蜜丸酒服如梧子二十九日再服如至四十九

行義 又於補肝丸中除去菁柏桂心葶藶杏仁羌蔚黃芩地膚澤瀉決明門冬十味參入山藥柏仁

芎藭甘草較前補肝丸用法稍平而補肝之功最穩益眈眈不明肝腎精血不充之驗所以首推兔肝

同氣相感之力其妙用尤在細辛防風開發經絡之滯則諸藥方得上注於目也

補肝散 治目失明漠漠方 決明子 半升 蓂子 一合 熬 青羊肝 一具 去上薄膜切之以新瓦瓶子未用

料盪右三味合治下篩以粥飲食後服方寸匕日二稍加至三七不過兩劑能一年服之可夜讀細書

行義 決明久服能益精光煖實温中明目青羊即殺羊青盲明目之專藥皆本經主治不特滋陰補

肝兼能散血舒筋同氣相感之妙用如此



又方 治三十年失明方 鍾乳粉 雲母粉各一錢 細辛 茯苓 遠志 五味子等分 右六味治下

**衍義** 失明而至二三十載陽精耗竭已極方用鍾乳溫經通竅明目益精雲母鎮攝虛陽益精明目

細辛遠志開發腎肝茯苓守護真氣五味子交通心腎鼓舞氣血之氣上行何憚精光之不復耶

補肝無菁子散 常服明目方 蕪菁子三升淨淘以清酒三升煮令熟曝乾治下篩以井花水和服方

寸匕稍加至三七無所忌可少少作服之令人充肥明目洞視水者酒服亦可○又方 三月三日採

蔓菁花陰乾治下篩空心井花水服方寸匕久服長生明目可夜讀細書○又方 胡麻一斗蒸三十

遍治下篩每日酒服一升○又方 服小黑豆每日空心吞二七粒

補肝散 治男子五勞七傷明目方 地膚子一斤 乾為末斗陰 生地黄十斤 取汁 右二味以生地汁和散曝乾更

為末以酒服方寸匕日二○又方 白瓜子七升絹袋盛攪沸湯中三遍曝乾以酢五升浸一宿曝乾

治下篩酒服方寸匕日三服之百日可書細字

**衍義** 蕪菁治熱風腫子專明目久服令人肥澤 又採花陰乾久服長生明目 胡麻酒服補腎之

精血血充則水輪自明 生黑豆目服明目補腎最捷 地膚子利小便治膀胱之熱生地黃汁滋血

潤燥除痰積和損傷陰血不足不能近視者宜之 白瓜子即冬瓜仁也酢浸以引入肝能去面上黧

黑潤澤肌膚以其能解毒除垢也

梔子仁煎 治肝實熱目皆痛如刺方 梔子仁 決明子 麩仁各一兩 車前葉 秦皮各一兩 石膏一兩

碎如小豆 苦竹葉二合 細辛半兩 赤蜜三合 右九味咬咀以井花水三升煮取七合去滓下蜜更煎取四

合以綿濾之乾器貯蜜封勿使艸芥落中以藥汁細細仰臥以傳目中

**衍義** 肝熱皆痛非寒苦辛散無以療之蜜隨赤白而分補瀉此用赤蜜專滋火燥也

瀉肝湯 治眼赤漠漠不見物息生肉方 柴胡 芍藥 大黃各四 決明子 澤瀉 黃芩 杏仁各



兩升麻 枳實 梔子仁 竹葉略二 右十一味 咬咀以水九升 煮取二升 七分 合分三服 熱多體壯 加大黃一兩 羸老去大黃 加梔子仁五兩 ○又方 治眼風赤暗方 前胡 芍藥各四 生地黃十兩 芒硝 黃芩 茯苓 白芷 枳實各三 人參 白朮 梔子仁 澤瀉各二 甘艸 細辛各一 竹葉五升 右十五味 咬咀以水二斗 煮減半 去滓 取七升 內芒硝 煮取四升 分三服

**衍義** 目赤而生血肉非上下開泄不能瀉其結熱 升麻柴胡引之上泄 枳實大黃引之下泄 澤瀉梔子竹葉兼清水道 黃芩芍藥兼清肝火也 ○又方 所治赤暗與前方不殊 以其正氣日衰 病氣日固 故加人參白朮甘草於滌熱劑中 鼓舞胃氣 運行藥力 方中前胡細辛白芷即前方柴胡升麻杏仁之變法也

洗肝乾藍煎 治肝熱不止 衝眼眼皆赤 赤脉息肉痛閉不聞熱勢 彭彭不歇 及目睛黃方 乾藍 車前 苦竹葉各三 細辛 秦皮 蕤仁 梔子仁 芍藥各三 決明子四兩 升麻二兩 右十味 咬咀

以水二斗 先煮車前乾藍竹葉 取一斗 去滓 澄清 取八升 內藥 煮取三升 分三服 須利如芒硝二兩 **衍義** 目痛熱腫不聞而見赤脉色黃 肝熱勢甚 可知 乾藍車前竹葉即前長者 三味秦皮梔子芍藥 蕤仁從梔子仁煎瀉肝 二湯採取不過添水止沸 衍耳 細辛升麻揭開鍋蓋法也 方後芒硝則兼鍋底 抽新之用 一方而兼上三方之意也

大棗煎 治目熱皆赤 生赤脈 侵睛 息肉急痛 閉不開 如芥在眼 疼痛方 大棗七枚 去核 黃連二兩 碎 淡竹葉五合 右三味 以水二升 煮竹葉 取一升 澄清 取八合 內棗肉 黃連煎 取四合 去滓 令淨 細細以

傳目眼中 **衍義** 方下見證皆屬心脾陽躄之熱 非黃連竹葉無以折之用 大棗者以和黃連苦燥之性 此與梔子仁煎用赤蜜之意不殊

治目中息肉方 驢脂 石鹽末 二味和合 令調 注目兩眦 頭日三夜一瘥 ○又方 取五茄根皮末

子仁煎用赤蜜之意不殊



一升和上酒三升浸七日外一日兩時服禁酢二七日偏身生瘡若不出未得藥力以生熟湯浴之取毒瘡出瘻

**行義** 驢脂動風用為祛風之使石鹽軟堅兼取降火之功 五茄皮酒浸能搜風散血服後遍身生瘡則毒熱外泄也

洗眼湯 治熱上出攻目生瘡瞤目熱痛汁出之方 秦皮 黃柏 決明子 黃連 黃芩 蕤仁 栝

鉢子 七枚 大棗 五枚 右八味咬咀以水二升浸煮取六合澄清仰臥洗日一

**行義** 方用金花湯加秦皮蕤仁決明澤是苦寒以洗目痛汁出熱極生醫全賴大棗以和諸藥之性始無雍遏之虞

治目生醫方 貝子十枚燒灰治下篩取如胡豆著醫上日二正仰臥令人傳之炊久乃拭之息肉者如珍珠如貝子等分

治目赤及醫方 烏賊骨 鈔丹 秋分 右二味研細和白蜜如餅蒸之半食久冷著眼四眥○又方 白羊髓傅之良○又方 熟羊眼睛曝乾治下篩傅目兩角○又方 新生孩子胞衣曝乾燒末傅目

眥中○又方 古錢一枚鹽方寸 右二味合治下篩傅目眥中

**行義** 貝子為軟堅磨醫專藥加珍珠則專消息肉以能清手足厥陰濕熱也 烏賊骨味鹽走血為腎肝更堅專藥鈔丹性沉墜走血為除熱下氣鎮攝要藥和蜜冷著四眥取其潤澤留戀也 羊骨可以消鐵即骨髓之磨醫可不言而喻 羊眼屬金故可治眼中醫膜 胞衣灰散瘀血消目赤醫宜之

古錢薑汁塗刮青點目去醫消風如鹽更堅尤捷但作瘡者勿用 治目風淚出浮醫多膿爛眥方 乾薑 決明子 礬石 蕤仁 細辛 黃連 戎鹽 鑿六 銅青 三 銖

右八味咬咀以少許水浸一宿明旦以好白蜜八合和之著銅器中綿益器上著甌中以三斗麥屑蒸之飯氣無成絞去滓以新死大椎鯉魚膽二枚和內藥中又以大錢七枚當者藥底承當者銅器中



竹簪綿裹頭以注目皆頭晝夜三四不避寒暑數者藥訖又以魚膽和好覆藥器頭勿令氣歇善

治熱腎漫睛方 以羊筋漱口熟嚼夜臥閉目內之即閉目睡去膜明日即瘥千金翼以治

治目熱生膚赤白膜方 取雄雀屎細直者人乳和熟研以傳之當漸消爛

治人馬白膜漫睛方 以雞翎截之近黑睛及當白睛翳之膜自聚鈞鉞鈎挽之割去即見物以綿當眼

上著血斷三日瘥

**行義** 淚出浮腎多屬於風膿黏皆爛多屬於濕細辛專泄久伏肝風乾薑專開宿蘊脾濕黃連統理

脾肝濕熱決明黎仁本經雖不言治風而實目科風熱要藥戎鹽礬石銅青皆退熱收濕為爛脾風眼

之必須然非以蜜濡之不能無皮燥之虞 羊筋磨肝雀天礬腎皆丹方中可取用者 雞翎管翳而

鈎割之法頗捷然非指下精熟難以輕試

蕩風散 治目白膚風淚下方冊方光明硃砂半兩貝齒五枚燒為末衣中白魚七枚乾薑三銖 右四味

於新磁鉢中研之厚帛三下為散仰臥令人小指爪挑少許傳目中取瘥為度 一方用生薑自然汁

澄粉代乾薑

治目中生息肉膚腎稍長欲滿目閉瞳子及生珠管方 貝齒七枚燒為末珍珠等分 右二味合治如粉以

注腎肉止日三度甚良亦治目中眯不出

治目生珠管方 滑石 手爪燒龍骨 貝齒 丹砂各等 右五味治下篩以新筆點取當珠管上

日三度良

**行義** 丹砂貝齒衣中白魚皆取磨腎薑粉專於治瘡 貝齒珍珠不特去息肉而眼漏用之亦能消

管 滑石爪甲龍骨貝齒丹砂雖主珠管亦能消腎總取貝齒磨堅之力

治毒病後目赤痛有醫方 以青布掩目上以冷水清青布數易之

治熱病後生醫方 豉二七枚燒為末內管中以吹目中

治熱病後生醫方 豉二七枚燒為末內管中以吹目中



治熱病後眼暗失明方 以羊膽傳之旦暮各一

**行義** 專取藍澱之餘清濕以化餘毒然惟暴赤者宜之 豉灰除溫疫毒腐亦能治病後餘熱 羊

膽專清肝膽之火病後血虛者尤宜

治風眼爛皆方 竹葉 黃連略一 柏白皮半一兩 右三味咬咀以水二升煮取五合稍用滴目兩皆日

三四度

治胎赤眼方 取槐木枝如馬鞭大長二尺齊頭麻油一匙置銅鉢中旦使童子以木研之至瞑止夜臥

時洗目傳皆日三良

治目爛赤方 取三指撮鹽置古文錢上重重火燒赤投少醋中足淹錢以線沾汁注目皆中

洗眼湯 治目赤痛方 甘竹葉七枚 烏梅 古錢略二 右三味以水二升漬藥半日東向竈煮三沸

三上三下得三合臨欲眠注目皆

治目中風腫痛除熱揉眼方 礬石三兩燒令汁盡以棗膏和如彈丸揉眼上下食頃日三止

治目卒腫方 以酢漿水作鹽湯洗之日四五度

**行義** 竹葉柏皮黃連并清濕熱 槐枝益腎清火麻油滋血潤燥以初生小兒不勝寒折故以微潤

解之 古文錢鹽燒酢漿收斂肝經濕熱然惟瀉養者為宜 竹葉烏梅古錢與治目爛赤同類彼同

鹽煨以治宿昔鹽垢此同竹葉以除暴赤風熱彼投少醋引之入肝此取烏梅引之開竅 礬灰專除

濕熱 漿水鹽湯同收火逆

治五臟客熱上衝眼內外受風冷目痛不明方 地膚子 白瓜子 青柏子 葵藜子 羌蔚子 藍

子 兔絲子 葵仁各二合 翼柏子仁於無 決明子五合 細辛一兩 桂心一兩 大黃二兩 螢火六

銖黃連半兩 右十五味為末蜜丸如梧子每服三十九丸食後服日三

**行義** 方中十一味出瓜子散彼因漠漠不明故用葵藜根收斂精氣而保光此因風從火化故用二



黃以掃濕執藍子以清肝火螢火專於明目所以本經獨標主治也

乳汁煎 治目中風冷淚出皆赤癢方 川連銖八 蕤仁半兩 乾薑一兩 右三味咬咀以人乳汁一升

清藥一宿明旦以微火煎取三合線絞去滓取如黍米許內目皆頭日三張文仲方

治目赤痛方 雄黃一銖 細辛 黃連 乾薑銖二 右四味合治如粉以綿裹釵股唾濡頭注藥末內

大皆頭急閉目中淚出須臾止勿將手近勿將昂裏勿洗之○又方 雄黃 乾薑 黃連 礬石

治眼赤暗方 古青錢三枚 青鹽一兩 杏仁未熟時取仁 右三味合內磁器中封頭勿泄氣百日後出

著目四皆頭日二三避風冷 右四味合治並如前方 一方加細辛六銖

治眼暗赤冷淚方 蕤仁 波斯鹽 右二味等分治下篩以驢生脂和每夜傳目四角以一粟大蜜室

中將息一月日瘥忘五辛失明者三十日傳之

治目痛及淚出不止方 削附子作蠶屎大內目中臥良

治目卒癢痛方 削乾薑令圓滑內昔中有汁拭却復內薑味盡易之

治目不明淚出方 以烏雞膽臨臥傳之

**衍義** 薑得人乳則和而不烈連得蕤仁則潤而不燥兼得逆治順治之奧若淚出不止不妨稍減乾

薑此義文仲得之 其治目赤痛亦用薑連薑得雄黃則熱得宣通連得細辛則寒能乎化總取寒熱

兼濟之力 又方 用礬石易細辛佐雄黃以收濕去垢為薑連之佐使也 其青鹽杏仁汁清古錢

即前洗眼湯之變法 蕤仁波斯鹽驢脂即前治目風淚出浮瞖多膿爛皆方之變法此用驢脂透風

潤燥彼用鯉魚膽除濕去垢主治稍有不同 削附子內目中專主積寒內伏冷淚不止若赤腫疼痛

者慎勿誤與 削乾薑令圓滑內眦中治目卒癢痛專主虛陽上擾癢痛不時與削附子內目中同法

烏雞膽汁專主肝血不充熱淚不止與削附子內目中之法角立



治雀盲方 地膚子五兩 決明子一升 右二味為末以米飲汁和丸食後服二十九至三十九日三盡

即更合瘥止

治雀目術 令雀盲人至黃昏時看雀宿處打令驚起雀飛乃呪曰紫公紫公我還汝盲汝還我明如此

日日瞑三過作之眼即明曾試有驗附後云後繁載支太醫法

真珠散 治肝氣虛寒眼青眵不見物方 真珠一兩 白蜜二合 鯉魚膽 鯉魚腦各一 右四味和

合微火煎兩沸綿裏內目中當汁出藥歇更為之

治目眈眈無所見方 青羊肝一具 細切以水一斗內銅器中煮以麩餅覆上上鑽兩孔如人眼正以目

向就熏目不過再熏即瘥千金翼若眼甚無所見不用麩餅

**行義** 地膚益精解熱久服且聰目明決明療青盲目淫久服益精光輕身允為調補本虛之良劑

真珠散熱消障鯉魚膽除風滌熱兼白蜜解毒潤燥總取異類有情功勝草根木實 煮殺羊肝熏

目取同氣相入之義後人用猪羊肝蚌蛤粉煮食從此悟出

治眼暗方 以銅器盛大酢三四升煮七八日覆器濕地取銅青一合以三月杏白仁一升取汁和銅青

傳之不過三四度○又方 古錢七枚 銅青 乾薑 石鹽 胡粉 荊營子各中 烏頭 川連三銖

細辛五銖 蕤仁十粒 酢二合 清酒五合 椒葉一把 右十三味治下篩合煎取三分去一盛瓷器中

若燥取入乳和傅目慎風冷○又方 每朝含黃柏一爪甲許使津置掌中拭目訖以水洗之至百日

眼明此法乃可終身行之永除眼疾神良○又方 柴胡六銖 決明子銖八 右二味治下篩入乳汁

和傅目可夜書五色

治眼暗方 七月七日生苦瓠中白絞取汁一合以酢一升浸古文錢七枚微火煎減半以米許大內眈

中

**行義** 銅青入肝去垢杏仁消腫散風方下雖治目暗而腫赤亦宜用之○又方 用古錢銅青薑連



鹽乳細辛蕤仁消腎化熱之品總皆點傳恒用之藥惟胡粉佐古錢銅青透達固結之陰毒烏頭合量連細辛開發鬱遏之熱邪折實治目痛淚出禁能披毒排膿他方未用世亦罔知其酢通肝滯酒行經絡入乳潤燥非細心體會不能達此 每朝含黃柏取津唾拭目不獨滋陰兼能清火 柴胡開提肝氣決明滋益精光乳汁以和血氣 苦瓠和酢浸熬古錢不獨磨腎兼能逐垢但藥頗峻厲虛者宜慎治眼漠漠無所見方 蕤仁 秦皮 川連各銜螢火七枚 決明子一合 右五味咬咀以水八合微火煎取三合冷以綿注洗目日三度

**衍義** 方中蕤仁川連決明螢火四味皆出前治五臟客熱上衝眼內外受風冷目痛不明方中但參八秦皮一味以治目中青腎白膜專取苦降達肝之意但彼蜜丸服此水煎洗內外不同而取用之藥不殊也

常服輕身益氣明目方 蕪菁子一升以水四升煮令汁盡出曝乾復以水四升煮如前法三者三暴治

下篩飲服方寸匕 千金翼云百日身熱倉出不久自瘡

**衍義** 前補肝蕪菁子散但用酒煮此三者三曝為之稍異其無毒則服之充肥有毒者服之瘡出則蕪菁祛毒之驗於此可徵

主明目令髮不落方 十月上巳日收槐子內新磁甕中以益密封口三七日發封洗去皮取子從月一日服一枚二日二枚日別如計十日服五十五枚一月日服一百六十五枚一年服一千九百八十枚小月減六十枚此藥主補腦早服之髮不白好顏色長生益壽先病冷人勿用之 附後云 又方 牛

膽中漬槐子陰乾百日食後吞一枚十日身輕三十日白髮再黑至百日通神

**衍義** 槐稟虛宿之精而子專益腎補益水輪之功獨充并可傍及於髮髮乃血之餘任脈所主任為

陰脈之海腎之外垣天一生水之源故主目與髮也 又以槐子漬牛膽中陰乾日服功效尤神

治目中眯不出方 以蠶砂一粒吞下即出



治稻麥芒等入目中方 取生蠶繭以新布覆目上將生蠶繭從布上摩之芒出著布良

治沙石草木入目中不出方 以雞肝注之○又方 以書中白魚和乳汁注目中

治目為物所傷觸青黑方 煮羊肉令熟熨勿令過熟猪肝亦得

治目痛不得睡方 暮炙新青布熨并蒸大豆袋盛枕之夜常令熱

**行義** 目眯用蠶砂 稻芒用蠶繭 沙石草木用雞肝及書中白魚 物傷者羊肉熱熨 目痛灸

青布熨并蒸豆袋作枕皆隨機應用之法

目中赤痛從內眦始取之陰踳 目中痛不能視上星主之先取譙善後取天牖風池 青盲遠視不明

承光主之 目瞑遠視眩暈目窗主之 目眩暈赤痛天柱主之 目眩無所見偏頭痛引目外眦而急

領厭主之 目遠視不明惡風淚出憎寒頭痛目眩瞢內眦赤痛遠視眩暈無見皆癢痛淫膚白翳精明

主之 青盲無所見遠視眩暈目中淫膚白膜覆童子巨窠主之 目不明淚出目眩瞢瞳子癢遠視眩

暈昏夜無見 目瞤動與項口參相引喞僻口不能言刺承泣 目痛僻戾不明四白主之 目赤目黃

權帝主之 睛目水溝主之目 痛不明斷交主之 目瞑身汗出承漿主之 青盲瞳目惡風寒上關

主之 青盲商陽主之 瞳目眩暈偏瘳主之 眼痛下廉主之 目中白翳前谷主之 目痛泣出甚

者如脫前谷主之 白膜覆珠子無所見解谿主之

灸法 餘穴見前

瞳目眩暈少氣灸五里右取左左取右 眼暗灸大椎下數節第十當脊中安灸二百壯惟多為佳至驗

肝勞邪氣眼赤灸當容百壯兩邊各兩穴在眼小眦近後當耳前三陽三陰之會處以兩手按之有上

下橫脈則是與耳門相對是也 眼急痛不可遠視灸當瞳入上入髮際一寸隨年壯穴名當陽 風翳

患右目灸右手中指本節頭骨上五壯如小麥大左亦如之 風癢亦痛灸人中近鼻柱二壯仰臥灸之

目卒生翳灸大指節橫文三壯在左灸右在右灸左良



治鼻塞腦冷清涕出方

通草

辛夷略半 細辛

甘遂甘 桂心

川芎

附子略一

右七味為末

蜜丸線裹內鼻中密封塞勿令氣泄丸如大麻子稍加微覺小痛搗薑為丸即愈用白狗膽汁和之更

佳

治鼻塞常清涕出方

細辛

川椒

乾薑

芎藭

吳茱萸

附子各銖

桂心

一兩皂莢屑半兩猪

膏一斤

右九味咬咀以綿裹苦酒漬一宿取猪膏煎以附子色黃為度去滓綿裹內鼻孔中并摩鼻

上

治涕出不止方

灸鼻兩孔與柱齊七壯

香膏

治鼻塞室方

白芷

川芎

通草各銖 當歸

細辛

薑草

辛夷各銖

右七味咬咀以苦

酒浸一宿以不中水猪肪一升煎三上三下以白芷色黃膏成去滓綿沾如棗核大內鼻中日三細

心銖

香膏

治鼻不利方

當歸

薰草古今錄驗 通草

細辛

蕤仁各銖 川芎

白芷各半

羊髓四兩猪

脂亦得

右八味咬咀以微火合煎三上三下白芷色黃膏成去滓取如小豆大內鼻中日二先煎熟後鼻中

生赤爛瘡者以黃芩梔子代當歸細辛○又方 瓜蒂未少許吹鼻中亦可綿裹塞鼻中

治鼻塞多年不聞香臭清水出不止方

取當道車輾過蒺藜一把搗以水三升煎取熟先仰臥使人滿口含取一合汁灌鼻中使入不過再度大嚏必出一兩個息肉似赤蛹一方有黃連等分同煎

行義

鼻塞腦冷清涕出千金多用外治總以辛溫開通經絡為主隨所見標本而加清熱滌垢等藥即

濁穢屬熱亦必藉辛溫以導其滯非若近世以清濁分軌淵也此方以通草通關利竅引額桂附川芎

細辛辛夷達於病所又須甘遂開奪門戶而與之以出路也 其第二方亦用桂附芎辛更兼椒薑吳

萸力倍辛夷柳且皂莢迅於甘遂酢浸膏煎較蜜丸之緩急霄壤矣 香膏二方並用通草辛芷芎歸



董草前用辛夷以散頭風腦痛後用麩仁以治邪熱結氣其猪肪羊髓總滋血氣之用惟鼻瘡赤爛者不獨以苓菝代歸辛并不得用醋漬而前方董草坊本誤作莽草今從翼方正之 其瓜蒂塞鼻取黃

水以去濁濕 蒺藜灌鼻取嚏以出息肉雖多年痼疾可使霍然

治鼻塞氣息不通方 小薊一把吹咀以水三升煮取一升分二服○又方 槐葉五升葱白一歧一

合 右三味以水五升煮取三升分温三服

**行義** 鼻塞無時得通定屬有形血病多緣衄時誤行止截瘀積髓海所致故專取小薊散血為主 若鼻塞有時略通定屬無形風病風入腦戶久而不解風從火化故以槐葉清解蘊熱葱豉解散風毒也

治鼻艱方 通草 細辛 附子 右三味等分為末蜜丸和綿裹少許內鼻中○又方 甘遂 通草

細辛 附子絡等

右四味為末以白雄犬膽和為丸如棗核大綿裹內鼻中辛熱涕出四五升瘥

亦治息肉

治艱鼻有息肉不聞香臭方 瓜丁 細辛 右二味等分為末以綿裹如豆大許塞鼻中須臾即通○

又方 炙皂莢為末如小豆大以竹管吹入鼻中○又方 乾薑末蜜和塞鼻中吹亦佳○又方 鐵

鑱磨石取末以猪脂和綿裹內之經日肉出瘥

**行義** 鼻艱必有息肉阻礙氣道不得貫通之故故以散結通氣為主方用通草開通悶竅細辛解散

結邪附子流行經絡立方最捷而用之不應故於前方加入甘遂而予之以出路且以犬膽代蜜專力

辟除濁垢也 其用瓜丁細辛專滌濕熱瓜丁即連瓜蒂處苦極者是用以擗鼻專取頭中寒濕黃水

濕去則息肉除而香臭聞矣 皂莢吹鼻猛於瓜丁若吹之過力每致腦中掣痛用者須知 乾薑蜜

和塞鼻其法雖緩而用之無咎 鐵銹性沉下氣氣下則結自開熱自墜矣 如上諸法總為因病而

艱者設若胎生鼻艱雖有刀圭不能開辟混沌也



通草散 治鼻中息肉不通利方 通草半兩 礬石 珍珠略一 右三味為末 搗細如粟核 取藥如小

豆著綿頭內鼻中日三易之 一方有細辛桂心各一兩同前搗末和使之

**行義** 消鼻中息肉礬石最捷佐以珍珠消管通草透竅如桂心尤為得力

治軌鼻鼻中息肉不得息方 礬石 藜蘆錄六 瓜蒂錄二七 附子錄十二 右四味各搗篩合和以小竹管

吹藥如小豆許於鼻孔中以綿絮塞鼻中日再以愈為度 古令錄驗加 藜蘆兩半

**行義** 礬石化息肉藜蘆去死肌瓜蒂祛濕熱附子溫散積結之固疾

治鼻中息肉方 吳蠟皮為末綿裏塞之三日

治鼻中息肉不聞香臭方 燒礬石末以面脂和綿裏著鼻中數日息肉隨藥消落○又方 末瓜丁如

小豆許吹入鼻中必消如此三四度良○又方 綿裹瓜蒂末塞鼻中○又方 細篩釜底墨水服之

三五日○又方 細辛 釜底墨 右二味為末水和服方寸七

**行義** 蠟皮消歹肉較礬石稍緩瓜丁攻濕熱與瓜蒂無異 其水服釜底墨專散火毒上壅鼻不得

息 同細辛用則兼散風熱然惟暴起息肉者宜之翼方又以香油者煉雄黃內鼻而散息肉功在諸

方之上

羊肺散 治鼻中息肉梁起方 羊肺一具 白朮四兩 茯苓 通草 川芎 乾薑略二 右六味為末

食後以米飲服五分七加至方寸七○又方 通草錄二 珍珠六錄 礬石 細辛略一 右四味為末

搗綿如棗核沾散如小豆并綿內鼻中日再三

治鼻中息肉方 灸上星二百壯穴在直鼻入髮際一寸

**行義** 鼻梁高起濕熱上攻肺經之驗故首推羊肺之同氣相干以引通草泄熱乾薑散結川芎祛風

生朮燥濕茯苓之鹹引之下泄也 其後內鼻方即前通草散加細辛以散風熱而梁可平矣

治鼻中生瘡方 搗杏仁乳傅之亦燒核壓取油傅之○又方 燒牛狗骨灰以臘月猪脂和傅之



**行義** 杏仁解毒殺蟲而走肺竅 牛狗骨乃血肉餘滓故可以治血肉之毒

治疔蟲蝕鼻生瘡方 燒銅筋頭以酢淬之數過取酢傳之

**行義** 蟲本濕熱所化病從肝生燒銅淬酢以斂肝殺蟲濕熱亦隨之而化矣

治鼻痛方 常以油塗鼻內外酥亦得

治卒食物從鼻中縮入腦中介介痛不出方 牛脂若羊脂如指頭大內鼻中以鼻吸取脂須臾脂消則

物隨脂俱出也

**行義** 痛用油塗酥潤物從鼻中縮入腦中梗痛用羊脂吸取總取潤滑之意

論曰鼻頭微白者亡血設令微赤非時者死病人色白者皆亡血也凡時行衄不宜斷之如一二升已上

恐多者可斷即以龍骨末吹之九竅出血者皆用吹之

治大便出血及口鼻皆血出血上心胸氣急此是勞熱所致方 生地八兩 蒲黃一升 地骨皮五兩 黃芩

芍藥 生竹如略三 右六味吹咀以水八升煮取二升七分溫三服

凡吐血衄血溺血皆臟氣虛膈氣傷或驚起悸治之方 生竹皮一升 芍藥 黃芩略二 川芎 當歸

桂心 甘草略一 右七味吹咀以水一斗者竹皮減三升下藥煎取二升分三服

治衄血方 生地六兩 川芎一兩 細辛六銖 伏龍肝雞子大 桂心 白芷 乾薑 芍藥 甘草 吳茱

萸略三 右十味吹咀以水三升酒七升煮取三升分三服

生地黃湯 治鼻衄方 生地八兩 黃芩一兩 阿膠 甘草略二 柏葉一把 右五味吹咀以水七升煮

取三升去滓內膠煎取二升半分三服○又方 生地切 阿膠二兩 蒲黃六兩 右三味以水五升

煮取三升分三服

治鼻中出血不止方 地黃 梔子 甘草各等 右三味治下篩酒服方寸匕日三如鼻疼者加豉一

合具有風熱者以葱涕和服如梧子五丸



**〔衍義〕** 血從上下溢出勞熱不能制攝可知故用地黃蒲黃輩為之止截所謂急則治其標也然必量其稟質多火者方可止之若真陰有虧慎勿誤投生地黃黃芩等味使血滯積不散久成窠囊不可解救者輩常見之所以診其鼻微白者為亡血血亡雖多僅宜龍骨末外吹不得寒涼止截若反見鼻微亦是虛火上炎非時所宜故主以死示人切勿妄治也 其第二方治吐血衄血亦用竹皮芍藥黃芩而兼芍歸和血桂心散血甘草和胃與前方止散天淵 其第三方雖用生地黃乃兼薑桂辛黃芍並伏龍肝等溫散之品則生地亦從之而散血無疑 其第四方大劑生地作主復兼阿膠黃芩柏叶甘草一意止截但欠金匱柏叶湯中薑艾黃土湯中朮附一籌耳 其第五方亦用生地阿膠而加蒲黃雖生用可散血熱在胃氣虛寒者不無奪食作瀉之虞 其第六方但用地黃梔子甘草三味恐苦寒兼併雖用酒服未必能行散血千金等方當時必為邪熱亢盛妄行不止而設後人可不如察而效尤取咎以為先哲立方之過歟

**又方** 飲小薊汁良○又方 搗猪葉汁飲三升大良○又方 取亂髮五兩燒作灰以管吹鼻中棗核大不止益吹之以血斷止并水服方寸匕日三甚者夜二已困不識人者服亦佳○又方 淳酢和竈土塗陰囊上乾易之○又方 韭根葱根取汁懸頭著一棗大內鼻中少時更著兩三度瘥葱白搗汁亦得

**〔衍義〕** 飲小薊汁有散血之能 飲猪葉汁有溫血之力吹服髮灰有止中寓散之妙 酢和竈土塗陰囊有引肝火下行之功 葱韭汁內鼻孔有溫經散血之力亦外治之一助也

衄時瘡癢便灸足大指節橫理三毛中十壯劇者百壯衄不止灸之并治陰卵腫 又灸風府一穴四壯不止又灸 又灸涌泉二穴各百壯

**口病第三論一首 方五十六首**

論曰凡患口瘡及齒禁油麵酒醬酸酢鹹膩乾棗瘥後仍須慎之若不久慎尋手再發發即難瘥普微根



角蒿為口瘡之神藥人不知之

治口中面上息肉轉大方 以刀決潰去膿血即愈

治口中瘡久不瘥入胸中並生瘡三年已上不瘥者方 濃煎薈薇根汁含之又稍稍咽之日三夜一冬用根夏用莖葉○又方 角蒿反傳之一宿知二宿瘥有汁吐之不得咽也

**衍義** 治病各有專藥野生白薈薇根足陽明經除風殺蟲薈薇藥口瘡乃陽明濕熱除風則濕散故千金以治口瘡神藥 角蒿辛苦殺蟲蟲本濕熱所化濕去蟲無以生何有口瘡之患

治口瘡不歇方 牛膝 生薑荷根略三黃柏三兩 右三味咬咀以綿裹酒三升漬一宿微火煎一兩

沸細細含之

升麻兩 治膀胱熱不已口舌生瘡咽腫方 升麻 元參 薈薇根白皮 射干略四 青 黃柏略

**衍義** 口瘡不歇濕熱隨虛陽漸清於上蘊為火毒入傷有形之血以故愈而復發牛膝生用去惡血逐火毒性專下行能使口瘡熱毒下降薈薇乃芭蕉中之一種色白者為殺蟲神藥取其辛散故口瘡亦得用之黃柏苦寒降泄酒清微煎含之雖久漬之濕熱口瘡必隨之而漸化矣 升麻性升散風腫諸毒療喉痛口瘡元參治腎虛真陰失守膀胱之火僭逆咽喉腫痛射干療喉痺咽痛不得息散結氣大青瀉肝膽濕熱解毒殺蟲得薇根根皮共襄厥功蜂蜜解毒和中滋潤喉舌留戀諸藥性味含之尤為得宜

治口數生瘡連年不瘥方 薈薇根 黃芩 當歸 桔梗 黃芪 白朮 大黃 鼠李根皮 芍藥

續斷 黃柏 葛根兩各二 右十二味以酒服方寸七日二亦可漿水服之

治胃中客熱唇口乾燥生瘡方 茯苓 黃芩 甘草 大黃 薈薇根略 鉉枳實 杏仁 黃連略一

桂心半兩 括婁根射八 右十味為末食前漿水服方寸七日二

右十味為末食前漿水服方寸七日二

右十味為末食前漿水服方寸七日二

右十味為末食前漿水服方寸七日二

右十味為末食前漿水服方寸七日二

右十味為末食前漿水服方寸七日二



**行義** 方中諸藥主治人所易明惟大黃黃芪合用之旨世所共昧益瘡之數發不已連年不瘥必有濕熱浸淫乎裏非大黃不能引領苓柏薇散服李開泄火毒於下非黃芪不能引領枯葛歸芍續斷填固血氣於上脫或火毒雖下而血氣未固必至瘥而復發所以急需黃芪以杜火毒復擾之害 脣口乾燥生瘡脾家濕熱顯著於外又須伊尹三黃兼苓枳桔萹以清胃熱桂心熱因熱用為三黃等藥開導濕熱甘草以和寒熱諸性杏仁薇根口瘡之本藥也

治口熱生瘡方 升麻<sup>三十</sup>黃連<sup>十八</sup>錄古<sup>今</sup> 右二味為末綿裹含咽汁亦可去之  
治口瘡方 黃柏<sup>二兩</sup>升麻<sup>三兩</sup>生地黃<sup>五兩</sup> 薔薇根皮<sup>四兩</sup> 右四味咬咀以水七升煮取三升去滓

含之瘥止含極吐却更含  
治口中瘡爛痛不得食方 甘草<sup>一寸</sup>黃連<sup>六銖</sup>杏仁<sup>二十</sup> 右三味為末合和綿裹杏仁大含勿咽日三

夜一  
治口中瘡爛痛不得食方 甘草<sup>一寸</sup>黃連<sup>六銖</sup>杏仁<sup>二十</sup> 右三味為末合和綿裹杏仁大含勿咽日三

**行義**

升麻散火黃連祛濕專王中上二焦燥渴引飲之病用綿裹含咽緩祛浮外客熱不用湯液湯

滌於裏反戕臟腑正氣 但燥不渴知熱在下焦血分陰火不能勝水故但取升麻散火不用黃連燥

濕而易黃柏專治陰火生地黃專滋陰血薔薇根除風祛濕為口瘡之真藥 若口中瘡爛明是脾家

濕火恐成蝕瘡故用黃連燥濕清熱甘草解毒和中杏仁下氣散結預防蟲蝕之患

**薔薇圓** 治口中瘡身體有熱氣非燥方 薔薇根<sup>黃芩</sup> 鼠李根<sup>當歸</sup> 葛根<sup>白斂</sup> 黃柏

石龍<sup>黃連</sup>芍藥<sup>續斷</sup> 黃芪<sup>二兩</sup> 桔萹根<sup>二兩</sup> 右十二味為末蜜和丸如梧子服十九日三

**行義** 口瘡而見身熱非原明係陽明濕熱漸清經脈肉理非湯藥吹點可以疾祛故用薔萹葛根桔

萹為口瘡根本治之芪芍歸續調其營衛苓枳斂芍兼清中外之毒其石龍芍即水萹之子性善流去

能利關節通濕痺在和營藥中蜜丸深得毒藥緩用之與  
又方 梔子<sup>甘草</sup> 八銖<sup>細辛</sup> 三十<sup>桂心</sup> 銖<sup>芍藥</sup> 一兩<sup>右五味為末蜜丸食後服七丸日再服瘥</sup>

十



又方 芎藭 白芷 橘皮 桂心 棗肉酪半 右五味為末蜜和丸食後服十五丸又含之以瘥為度此方甚驗

**衍義** 口瘡而用桂心芎藭導虛火和營血崇本之治難為俗陳其細辛專散浮熱梔子專散泄虛陽甘草調和寒熱諸性也 其後方同用芎藭而兼白芷專散風熱橘皮專泄氣滯棗肉專和胃氣益用

白芷散風即細辛散熱之意用橘皮泄氣即梔子泄火之意用棗肉和胃即甘草和藥之意以意逆之前方必為多火者設後方必為多痰者設可不詳審立方之義歟

治口吻生瘡方 以楸白皮及濕貼之三四度瘥○又方 取經年葵根欲腐者彌佳燒作灰熱傳之良○又方 取新炊飯了甑及熱以唇口向甑唇上熨之二七下三兩上瘥止

治口肥瘡方 熬電上飯令焦未傳之  
治熱吻瘡方 白楊枯枝鐵上燒取滿及熱傳之

**衍義** 燒松柏諸皆治頭面熱瘡白楊枯枝諸兼主風熱瘡毒  
治口傍惡瘡方 乳髮灰 故絮灰 黃連末 乾薑末 右四味等分合和為散以粉瘡上不過三遍即愈

**衍義** 見前小兒雜病門

治口中瘡咽喉塞不利口燥膏方 猪膏 白蜜酪一兩 黃連一兩 右三味合煎去滓攪令相得含如半棗大日四五夜二

**衍義** 猪膏蜂蜜滋血潤燥不得黃連無以祛散濕熱也

治熱病口爛咽喉生瘡水漿不得入膏方 當歸 射干 升麻酪一兩 附子半兩 白蜜四兩 右五味吹咀以猪脂四兩先煎令成膏下著地勿令大熱內諸藥微火煎令附子黃色藥成絞去滓內蜜復上火一兩沸令相得置器中令凝取如杏仁大含之日四五遍輒咽之



**〔行義〕** 方以升麻散火當歸和血射干散咽喉結氣附子導元逆虛陽脂蜜清咽潤燥并和射干附子之烈

治失欠頰車蹉開張不合方 一人以手指牽其頤以漸推之則復入矣推當疾出其指恐誤嚙傷人指也

治失欠頰車蹉方 消蠟和水傅之善

**〔行義〕** 先用手法以正頰車後消蠟水以傅頰頰取至淡以解蘊熱也

又方 灸背第五椎一日二七壯滿三日未瘳灸氣衝二百壯胸前喉下甲骨中是亦名氣堂○又方

灸足內踝上三寸宛宛中或三寸五分百壯三報此三陰交穴也

治卒口噤不開方 以附子搗末納管中強開口吹口中

**〔行義〕** 病起卒暴定屬陰邪苟非辛熱無以開之然亦有火極似水之假象不可不審詳係火毒又必

寒熱兼濟方為合法單用苦寒則火遏閉不散矣

甘草圓 治口中熱乾方 甘草 人參 半夏 生薑 烏梅肉 酪 棗膏 右六味為末蜜丸

如彈子大旋含咽日三

**〔行義〕** 口中執乾與虛勞哺熱大異既乾且熱明係脾家津液固結不能灌注於上故用人參甘草滋

益肺胃半夏生薑流濕潤燥烏梅棗膏輪化精微也

治口乾方 羊脂若猪脂雞子大擘之納半升酢中漬一宿絞取汁含之

治口乾除熱下氣方 石膏<sup>五合</sup> 蜜<sup>二升</sup> 右二味以水三升煮石膏取二升內蜜煮取二升去滓含如

棗核大咽汁盡更含之

治虛勞口乾方 麥門冬<sup>二兩</sup> 大棗肉<sup>三十枚</sup> 右二味以蜜一升和令熟五升米下蒸之任性服○又方

羊脂如雞子大醇酒半升棗七枚擘合漬七日取棗食之○又方 酸棗一升 酸石榴子 烏梅<sup>各五</sup>



合括薑實 葛根 甘草略 三麥門冬四兩 覆盆子三合 右八味為末以蜜丸含如棗大以潤為度

**行義** 因津液耗散口乾則用醋清羊脂絞含 因肺胃客熱口乾則用石膏蜂蜜者含 因虛勞口

乾則用麥冬大棗蜜和米蒸任服 因虛勞津液不充口乾則用酒清羊脂製棗取食 因虛勞津液

耗散口乾則用酸棗榴子烏梅收斂津液括薑實開宣痰氣煨葛根敷布胃津炙甘草輸運水穀之精

微麥門冬滋益肺腎之氣化覆盆子補益五臟之精氣總取酸收不使津液耗散而灌漑有常焉有口

乾之患乎

**五香圓** 治口及身臭令香止煩散氣方 豆蔻 丁香 藿香 零陵香 青木香 白芷 桂心各

兩 香附子二兩 甘松香 當歸各兩 檳榔二枚 右十一味為末蜜和丸常含一丸如大豆許咽汁日

三夜一亦可常含咽之五日口香十日遍體香二七日衣被香三七日下風人間香四七日洗手水落

地香五七日把 手亦香慎五辛下氣去臭

**行義** 身口俱臭濁穢之氣遏絕清虛之道故使胸中擾煩口氣不清周身毫孔俱沾汗濕不潔之氣

是必辛香調暢其氣使上徹口鼻外徹周身其得力尤在檳榔一味以與穢濁之出路也

**含香圓** 治口氣臭穢宜常服之方 丁香半兩 甘草三兩 芎藭一兩 細辛 桂心各半 右五味為末

蜜丸如彈子大臨臥時服二丸○又方 桂心 甘草 細辛 橘皮 右四味等分治下篩以酒服

一錢七瘥止○又方 棗肉八兩 芎藭 白芷 橘皮 桂心各四 右五味為末次納棗肉乾則加

蜜和丸如大豆許旦服十九食前食後常含之或吞之七日大香

治口中臭方 桂心古今錄驗 甘草略 右二味為末臨臥以猪撮許酒服二十日即香○又方 細

辛豆蔻含之甚良○又方 蜀椒 桂心各等 右二味為末酒服三指撮許

主口香去臭方 甘草三十 白芷八 川芎四 右三味治下篩以酒服方寸匕日二服一百日夜被香○又

○又方 大棗 瓜子仁 松根白皮 右三味治下篩以酒服方寸匕日二服一百日夜被香○又



方瓜子仁 芎藭 藁本 當歸 杜蘅 銘六 細辛 半兩 防風 二兩 右七味治下篩食後飲服方寸匕日三服五日口香十日身香二十日肉香三十日衣被香五十日遠聞香 一方加白芷十八銖

○又方 濃煮細辛汁含之久乃吐之○又方 香需一把水一斗煎取三升稍稍含之○又方 橘皮二十銖 桂心銖八 木蘭皮一兩 大棗二十枚 右四味治下篩酒服方寸匕日三久服身香亦可以棗肉丸之服二十九如梧子大稍加至三十九一方有芎藭十八銖○又方 甜瓜子仁末蜜和丸如棗核大每日空心洗漱訖含一丸亦傳齒○又方 熬大豆令焦及熱酢沃取汁含之

治七孔臭氣皆令香方 沉香五兩 藁本三兩 白皮瓣半升 丁香五合 甘草 當歸 芎藭 麝香略二

右八味為末蜜丸如小豆大食後服五丸日三久服令舉身皆香

**行義** 千金治口氣諸方或服或含多用辛香開竅之品惟用香需辟除水道瓜仁開豁痰垢為從本之治後人師之有效其餘治七孔臭薰衣諸法皆非瘡疾所需姑存以俟修容者採用

治身體臭令香方 甘子皮 白芷略半 瓜子仁二兩 藁本 當歸 細辛 桂心略一 右七味治下篩酒服方寸匕日三服五日口香三七日身香○又方 甘草 松根皮 大棗 甜瓜子略等 右四味治下篩食後服方寸匕日三七日知百日大香

薰衣香方 零陵香 丁香 青桂皮 青木香 雞骨煎香 鬱金香 楓香略三 薰陸香 蘇合香

甘松香 甲香略二 沉水香五兩 雀頭香 白檀香 安息香 艾納香 藿香略一 真麝香半兩

右十八味為末蜜二升半者肥棗四十枚令爛熟以手痛搗令爛如粥以生布絞去滓用和香乾濕如捺麵搗五百杵成丸密封七日乃用之以微火燒之以盆水內籠下以殺火氣不爾必有焦氣也○

又方 沉香 前香略五 雀頭香 丁子香 藿香略一 右五味治下篩內麝香末半兩粗羅臨薰衣時蜜和用○又方 薰陸香 沉香 檀香 兜婁婆香 煎香 甘松香 零陵香 藿香略一

丁香銖八 棗肉八兩 首宿香二兩 右十一味粗下篩合棗肉再搗量加蜜丸用之



濕香方 沉香二斤七兩 甘松香 檀香 雀頭香一作雀頭香 雞骨煎香 甲香 零陵香 丁香九兩 麝香

九兩 董陸香六兩 右十味為末臨用時以蜜和若預和味歇不中用○又方 沉香三兩 零陵香 煎

香 麝香各一兩 丁香香 藿香各半 甲香 檀香各三兩 董陸香 甘松香六兩 右十味粗下篩蜜和

用薰衣瓶盛埋之久窞佳 百和香通道俗用者方 沉香五兩 丁香香 雞骨香 兜婁婆香 甲香各三兩 董陸香 白檀香 熟

捷香 炭末各二兩 零陵香 青木香 青桂皮 甘松香 白漸香柴也 藿香各一兩 雀頭香 蘇合香

安息香 麝香 燕香各半 右二十味為末酒漬軟再宿酒氣歇以白蜜和內磁器中蠟紙封勿

令氣洩冬月開取用大佳 梟衣香方 丁香香一兩 首宿香二兩 甘松香 茅香各三兩 藿香 零陵香各四兩 六味各搗加澤蘭葉

四兩粗下篩用之極美○又方 零陵香二兩 藿香 首宿香 甘松香 白檀香 煎香 沉水香

香 煎香 右七味合搗加麝香半兩粗下篩用如前法○又方 藿香四兩 丁香 甘松香 麝香 沉

香 煎香 右六味粗下篩和為乾香取裹衣大佳 舌病第四方十一首

升麻煎 舌主心臟熱即應舌生瘡裂破引唇揭赤服之洩熱方 蜀升麻 射干各三兩 柏葉切一 大

青二兩 苦竹葉切 地黃汁各五兩 生元參汁二合 赤蜜八兩 生蘆根 薔薇根 白皮各五兩 右十味咀咀

以水四升煮取一升去滓下元參汁令兩沸次下地黃汁兩沸次下蜜煎取一升七合綿惹取汁安舌

上含細細咽之 治舌上瘡不得食舌本強頸兩邊痛此是心虛熱所致之方 柴胡 升麻 芍藥 梔子仁 通草各

兩 黃芩 大青 杏仁各半 生薑 石膏各四兩 右十味咀咀以水一斗九升煮取三升半分四服日

三服一升 升麻煎 升麻 射干 柏葉 薔薇根 白皮 生蘆根 生元參汁 赤蜜 地黃汁 苦竹葉 青

升麻煎 升麻 射干 柏葉 薔薇根 白皮 生蘆根 生元參汁 赤蜜 地黃汁 苦竹葉 青



從正治暴須從治亦有包絡兼挾龍雷者則於緩急微甚之間隨其逆順多少而為處裁如此方用升麻升散射干破結柏葉大青等味涼血解毒惟薔薇根除風解毒為口舌專藥 第二方因頸兩邊俱痛故以柴胡兼升麻提挈清陽杏仁下氣解毒與用射干之意不殊生薑為奪門健卒引領石膏大青輩直達底裏可無捍格不久之患矣

治舌卒腫滿口溢出如吹猪胞氣息不得通須臾不治殺人方 急以指刮破舌兩邊去汁即愈亦可以鉞刀決兩邊破以瘡膏傅之○又方 刺舌下兩邊大脈血出勿使刺著舌下中央脈血出不止殺人如上治不愈或血出數升則燒鐵篋令赤熨瘡數過以絕血也

**衍義** 舌腫脹滿口如吹猪胞乃龍雷亢極卒然而發藥所不及非急為決破難以救療 又刺舌兩邊去血以泄其毒則與前法無異如刺後腫仍不減血出不止則燒鐵篋烙刺瘡上亦救急法中之法○又方 半夏十二枚洗熟以酢一升煮取八合稍稍含漱之吐出如生薑一兩佳

治舌腫起如猪胞方 釜下墨末以酢厚傅舌上下脫去更傅須臾即消若先決出血汁竟傅之彌佳凡此患人皆不識或錯治益困殺人甚急但看其舌下自有噤蟲形狀或如螻蛄或如臥蠶子細看之有頭尾其頭少白燒鐵釘烙頭上使熱即自消

**衍義** 金匱苦酒湯治少陰病咽中傷生瘡不能語言聲不出故以雞子殼內半夏苦酒和雞子清煮取含咽千金借此以治舌卒腫滿口溢出與咽無預故不用雞子清但取半夏辛溫開通陰氣之閉塞苦酒酸寒收斂陰津之浮散更加生薑則毒無餘蘊矣 又取釜墨醋傅以散陰火暴逆同氣相招之妙用無逾於此在決破後用之尤為應手又須視舌下有蟲形者急為烙之陰毒最暴不急下手變證叵測況錯治乎

治舌腫強滿口方 滿口含糖酢少許時執通即止



治舌腫滿口不得語方 鹽一升 塵蟲枚三十 右二味以水三升煮三沸含之稍稍咽之日三

治舌強不得語方 礬石 桂心 右二味等分為末安舌下立瘥

舌上黑有數孔大如筋出血如湧泉此心臟病治之方 戎鹽 黃芩一作黃柏 大黃兩五 人參

桂心 甘草兩二 右七味為末蜜丸梧子大以飲服十九日三亦燒鐵篋烙之

治舌上出血如泉方 燒鐵篋熱烙孔中良

〔行義〕舌雖腫硬滿口而不似猪胞其勢較前稍緩但取糖醋含漱探吐頑涎熱毒便可宣通矣 舌

腫滿口不得語而用鹽麝方下雖無病因察其舌心僵緊故可驗為血證無疑 舌強不得語而用礬

桂方下亦無病因察其舌色必淡故以滌垢散結為務也 舌孔出血如湧泉心包與龍雷之勢交煽

非三黃不能奪其亢逆非戎鹽不能滋其真陰非桂心不能攝其虛陽非人參甘草不能實其中土以

杜陰火復擾之患藥所不及又須熱烙血孔與刺後血不止舌下有蟲形烙法無異總取同氣相感之

力耳

唇病第五方二十二首 潤脚膏 治脾熱唇焦枯無潤方 生天門冬 生地黃汁一升 生麥門冬 葳蕤兩四 猪膏三斤 細辛

甘草 芍藥 白朮各二兩 黃芪 升麻各三兩 右十一味咀咀諸藥苦酒淹一宿綿裹藥臨煎下生

地黃汁與猪膏共煎取膏鳴水氣盡去滓取細細含之

〔行義〕方中二冬葳蕤地黃猪膏以滋血氣之燥升麻細辛以散經氣之熱白朮黃芪以固肌氣之鬆

甘草以和諸藥之性苦酒以收諸氣之散也

甲煎唇脂 治唇裂口臭方 先以麻搗泥泥兩口好磁瓶容一斗已上各厚半寸曬令乾 甘松香五

兩 艾納香 苴蒼香 茅香各二兩 藿香三兩 零陵香四兩 右六味先以酒一升水五升相和作湯洗

香令爭切碎又以酒水各一升漬一宿明旦取烏麻油一斗五升上六味為末中收大前二三六



漆內上件一口瓶中令少許不滿然後取 上沉香三斤雀頭香 蘇合香八兩白膠香 白檀香略

兩丁香 麝香 甲香略 右八味先酒水相和作湯洗香令淨各別搗碎不用絕細以蜜二升酒

一升和香內上件磁瓶中含實滿以綿裹瓶口又以竹篾交橫約之勿令香出先掘地理上件油瓶令

口與地平以香瓶合覆油瓶上令兩口相當以麻搗泥兩瓶口際令牢密可厚半寸許用糠壅瓶上

厚五寸燒之火欲盡即加糠三日三夜勿令火絕計糠十二石訖停三日令冷出之別研蠟八斤煮數

沸內紫草十二兩煎數十沸取一莖紫草向爪甲上研看紫草骨白出之又以綿濾過與煎前相和令

調乃內硃砂粉六兩攪令相得少冷未凝之間傾置竹筒中筒上用紙裹纏之待凝冷解開任意用之

計此可得五十挺

甲煎口脂 治唇白無血色及口臭方

燒香澤法 沉香 甲香 丁香 麝香 檀香 蘇合香 薰陸香 零陵香 白膠香 藿香 甘

松香 澤蘭 右十二味各六兩胡麻五升先煎油令熟乃下白膠香藿香甘松澤蘭少時下火綿濾

內磁瓶中餘八種香搗作末以蜜和勿過濕內著一小磁瓶中令滿以綿幕口竹十字絡之以小瓶覆

大瓶上兩口相合蜜泥泥之乃掘地理油瓶令口與地平乃聚乾牛糞燒之一方用糠七日七夜不須

急滿十二日火尤佳待冷出之即盛其瓶並須熟泥勻厚一寸曬乾乃可用

鍊蠟合甲煎法 蠟 紫草略 右先鍊蠟令消乃內紫草煮少時候看以紫草向指甲上研之紫草

心白即出之下蠟勿令凝即傾溺一合甲煎於蠟中均攪灌筒中勿觸動候冷凝乃取之便成好口脂

也傳口面日三

治緊唇方 纏白布作大燈炷如指安斧刀上燃炷令刀汗出拭取傳唇上日二三度或故青布亦佳并

治瀝唇方 自死蜈蚣灰傳之方 炙松脂貼上取瘡方 取蛇皮拭淨燒為灰傳之方

又方 以火炙蠟貼唇取瘡方 水服蠟螬灰良方 青布灰以酒服之脂和塗亦可方

又方 以火炙蠟貼唇取瘡方 水服蠟螬灰良方 青布灰以酒服之脂和塗亦可方



方 灸虎口男女右○又方 灸承漿三壯

治藩脣方 以乾蟬螬燒末和猪脂臨臥傳之○又方 燒蟹甲及頭令烟盡為末傳之日三度

治脣生瘡方 以頭垢傅之日三度○又方 以胡粉傅之

治脣邊生瘡連年不瘥方 以八月藍葉十斤絞取汁洗不過三日即瘥

治脣舌忽生瘡方 燒雞屎白為末以布裏著病上含之

治脣黑腫痛癢不可忍方 以竹弓彈出惡血取瘥○又方 燒亂髮及蜂房之畜毛作灰猪脂和傳之亦治藩脣

治冬月脣乾圻血出方 搗桃仁以猪脂和傳之

治遠行脣口面皴製方 熟煎猪脂將行夜常取傅面行走萬里野宿不損

〔衍義〕 甲前諸方咸取香竇無益於治也惟鍊蠟合甲煎方取蠟之淡以化熟紫草之鹹以滋血脣脂方中首推簡要藥也 他如鐵汁松脂蛇蛻蜜蠟螬蟲布灰隨便可以取用蟹甲頭垢胡粉藍葉雞屎

白灰並治脣瘡髮灰蜂房桃仁猪脂皆治脣黑腫癢能散惡血熟煎猪膏常取傅面取其不沾塵垢所謂醫者意也豈可拘於繩墨哉

齒病第六論一首 方三十六

論曰凡齒斷宜露多是疳疔及月蝕以角高灰夜傳斷間使滿勿食油不過二三日瘥食油及乾棗即發

所以患齒者忌油乾棗及桂心每旦以一捻鹽內口中以溫水含揩齒及叩齒百遍為之不絕不過五日

口齒即牢密凡人齒斷不能食果菜者皆由齒根露也為此鹽湯揩齒叩齒法無不愈也神良凡人好患

齒病多由月蝕夜食飲之所致也識者深宜慎之所以日月蝕未平時特忌飲食小兒亦然

治齩齒及蟲痛方 白附子 知母 細辛 銛 芍藥 高良薑 二劑 右五味為末以綿裹少許著齒

上有汁吐出一日兩度含之亦治口氣



**〔行義〕** 齒為骨之餘屬腎而實陽明所司齒斷動搖固為腎病府蝕齩齒豈非濕熱為患乎所云以角蒿灰夜傳專主蝕標病角蒿即青蒿中一種生莢者但世罕採用詳青蒿灰淋汁和石灰可以點惡瘡息肉并可借治齒斷蝕可知又云母旦以鹽指齒此則專主少陰不持入骨固脫兼能清理濕熱標本兼該之治也此方首推白附溫散陽明風毒細辛入骨搜風芎藭散頭腦風良薑溫散結熱四味辛溫藥中專取知母之甘寒直入少陰引領蘊積熱邪悉從之而解散矣

又方 切白馬懸蹄如米許以綿裹著痛處孔不過三度善

**〔行義〕** 白馬蹄本經主蠱毒不詳別錄玉內崩齩齒千金治齩齒蟲痛總取殺蟲散血之功也

治齩齒蟲積年不瘥從少至老方○雀麥草一名杜姥草似牛毛草以苦瓠葉四十枚淨洗露一宿平旦取草屈長二寸廣一寸厚五分以瓠葉裹傳之作五六十粟子取三年釀醋浸之至日中取兩裏內火中炮令極熱內口中齒外邊熨之冷則易之取銅器以水內中解裹於水中洗之得蟲長三分老者黃赤色少者白色多者得三四十枚少者得一二十枚

**〔行義〕** 雀麥達肝脈殺蟲浸以醋專收蟲

治蟲齒方○良若子三合如無葱子韭子並得以青錢七文燒令赤取小甕子令可口含得者將錢內甕子中取一撮許良若子安錢上令炮炆聲仍與半合許水淋令氣上從甕出將口含甕口令氣莫出用重齒冷復更作取三合藥盡為劑非止蟲齒得瘥或遇風齒齩齒齒中病悉主之口中多津即吐之○又方 白楊葉切一升水三升煮取一升含之○又方 大醋一升煮枸杞根白皮一升取半升含之蟲立出○又方 取桃仁少許以釵頭穿向燈上燒之烟出經少時吹滅即內入口中安蟲齒上咬之不過五六度一方作胡桃仁

**〔行義〕** 本經以良若為齒痛出蟲專藥千金重法最良其葱子辛溫達竅韭子辛熱壯火皆取濁惡之氣以攻濁惡府蝕也 白楊葉殺蟲散血即水楊葉者漱亦良 枸杞根疏利濕熱得醋煮以收濕辟



蟲不似良者葱韭子有攻毒傷齒之患 桃仁力能破血妙用尤在炮香氣竄投蟲所喜與胡桃仁同

義

治瘡蟲蝕齒根方 地龍置石上著一撮鹽須臾化為水以貓展取却待凝厚取以內病上又以皂莢去

皮塗上蟲即出○又方 純麻子燭燼研以井花水塗之○又方 黑殺羊脂良者各等分先燒鐵鋤

谷釜令赤內其中烟出以布單覆令烟氣入口重之

行義 蚘性鹹寒得鹽化水用麩收取以內痛上足以散其濕熱疼腫矣又須皂莢之去風痺死肌何

憚蟲毒不化耶 麻仁去風燭燼散火乃以井水化其火毒 殺羊角入山燒之辟惡鬼虎狼亦能殺

亦其脂之開結透經并良若子以殺蟲化毒乃燒鐵置二物薰之與前燒錢置罌炙良若子重法無異

治齒斷腫痛及蟲痛方 黃芩 甘草 桂心 當歸 細辛 蛇床子 酪 右六味咬咀以醋漿水

七升者取三升去滓含之日三夜二

治齒有孔不得食面腫方 莽草 猪椒附根皮長四寸 七枚 右二味咬咀以漿水三升者取一升滿口含

倦即吐却日二三度

治齒根腫方 松葉切把 鹽一合 右二味以酒三升煮取一升含之

行義 痛腫渾是濕熱故用黃芩清火甘草解熱桂心引入患所以為濕熱嚮道當歸和血細辛搜風

蛇床除風頭痛本經之主治也六味藥中除黃芩甘草餘皆辛散故用醋漿水煎深得散中窩斂之妙

莽草猪椒根皮皆治毒風疼腫之峻藥此惟蒸管氣實者宜之 松葉去風散濕得鹽以製其燥得

酒以鼓其力也

治齒根動欲脫落方 生地黃綿裹著齒上昨之咬咀以汁漬齒根日四五度著之并咽汁十日內大佳

治齒根動且痛方 生地黃 獨活酪三 右二味咬咀以水一升清一宿取含之

行義 齒根動搖皆屬腎虛挾火動而不痛尤為腎虛之驗非生地黃之甘寒不能清熱固脫也 若



輒相且痛且腫必是腎虛風襲乃於生地黃中兼獨活以搜之與細辛功用不殊也

治齒斷間津津血出不止方 生竹茹二兩醋煮含之○又方 細辛二兩甘草一兩 右二味咬咀以

醋二升煎取一升日夜旋含之○又方 礬石一兩燒水三升者取一升先拭血乃含之已後不用朽

人牙根齒落不用之可也

治齒間血出方○以苦竹葉濃煮與鹽少許寒温得所含之冷即吐○又方 温童子小便半升取三合

含之其血即止也

治齒出血不止方 刮生竹皮二兩苦酒浸之令其人解衣坐使人含嚙其背上三遍仍取竹如濃煮汁

勿與鹽適寒温含漱之竟日為度

治酒醉牙齒湧血出方 當歸二兩礬石六銖 桂心 細辛 甘草略一 右五味咬咀以漿水五升煮

取三升含之日五六夜三○又方 燒鐵釘令赤注血孔中止

〔衍義〕 血從齒斷津津而出明係陽明虛熱故用竹茹專清浮火兼取醋煮酸以收之病本在經但取

含漱不須煎服 若前法不應應是風熱為患審其人必有鼻塞面赤之證又當與細辛搜風甘草和

胃用醋煎含其血當自止 若涌脫無度不得已用礬湯劫之但瀉酸透骨朽人牙根不可常試 如

勢不犬劇則於竹葉湯中入鹽以降泄之 童子小便乘熱含漱即竹葉湯中用鹽之意 竹皮醋浸

而三嚙其背使人毛孔凜然其血即止非傷寒病在陽應以汗解反以水嚙之比嚙後仍令含漱浮火

既斂所以不用鹹降也 酒醉後齒斷血涌濕熱盛即於前治齒斷腫痛及蟲痛方中除去黃芩蛇

床易入礬石亦是涌脫勢劇不獲已而用之 倘含不即應乃燒鐵釘烙血孔中又劫法中之劫法

治頭面風口齒疼痛不可忍方○川椒一合 莽草十葉 雀李根 獨活各二 細辛 芎藭 防風各一

右七味咬咀以酒二升半煮取五沸去滓含之冷吐更含之勿咽汁張仲白杖二兩○又方 雞屎白燒灰

以綿裹置齒痛上咬咋之○又方 雞屎白以醋者清稍稍含之○又方 煮枸杞汁含之○又方



生地黃一節 蒜一瓣

右二味熟搗綿裹著痛上咬之勿咽汁出吐之日日為之瘥止○又方 含驢

尿須臾即止

**行義** 口齒之患非有風寒客邪何至痛不可忍所以方前昭揭頭面風三字而用一派搜風之藥獨

不用醋而用酒者含漱也 其雞屎白燒灰不獨下氣亦能去風雞屬巽而走肝也 醋者雞屎白尤

敏風熱拘攣者汁含漱能去風熱以非蟲齒故不用醋 生地黃甘寒帶苦專散血中之熱得蒜之辛

董氣烈通達諸竅以祛濁惡之滯同氣相入之用也 驢屎穢濁利竅殺蟲與前方用蒜同意 驢屎雞

屎白皆利水治脹豈特齒痛之用哉

治風齒疼痛方 灸外踝上高骨前交脈三壯又以線量手中指至掌後橫文折為四分量橫文後當臂

中灸一壯愈灸之當隨左右

含漱湯 治齒痛方 獨活 當歸略 黃芩 細辛 芎藭 藜蘆略 丁香一兩 右七味咬咀以

水五升煮取二升半去滓含漱須臾悶出吐更含之古時韓驗同○又方 含白馬尿隨左右含之不

過三五日

**行義** 齒病多屬暴寒鬱滯濕熱故用芎藭細辛丁香藜蘆獨活當歸從治之劑但以黃芩一味為寒

因執用之間謹慎勿過用以取實實之咎 白馬尿破結殺蟲與驢尿同功

漱湯 治齒痛方 腐棘刺二百枚以水二升煮一升旋取含之日四五度以瘥止○又方 芎藭 細

辛 防風 礬石 附子 藜蘆 莽草 右七味各等分作末綿裹如彈丸大酒浸安所患處含勿

咽日三刺破極佳○又方 蚯蚓糞水和作稠泥團以火燒令極赤如粉以臘月猪膏和傅齒斷上日

二三度永瘥○又方 取自死蚯蚓乾者搗末著痛處即止

**行義** 棘刺之銳以利竅與皂角刺之解毒義同治異取其陳腐以除陳久之氣也 其芎辛防風藜

蘆莽草總攻風毒礬石溶除垢膩尚恐不逮乃以附子雄悍之力助之刺破極佳者破則熱毒得以外

蘆莽草總攻風毒礬石溶除垢膩尚恐不逮乃以附子雄悍之力助之刺破極佳者破則熱毒得以外



泄矣  
治齒斷痛不可食生果方 生地黃 桂心 右二味合嚼令味相得咽之○又方 馬齒莧一把嚼之

即瘥

治牙癰塞口噤不開方 附子大者黃連射八礬石一兩 右三味為末內管中強開口吹之入喉間細

細吹之

行義 生地黃甘寒以清濕熱桂心辛散以與出路寒熱兼濟標本兼該之治故宜服之可無毒藥傷

中之虞 馬齒莧散血消腫 附子與黃連並用即地黃桂心之變法乃加礬石以滌痰垢然但吹不

服深得峻藥緩攻之吉

喉病第七證一首 方四十首

小續命湯如杏仁一兩治卒喉痺不得語方見第門

行義 小續命開發風痰喉痺不得語亦由風痰阻塞關竅不通所致故於本方加入杏仁一味本經

專主喉痺下氣氣下則痰自降痺自開聲自出矣

烏鬚膏 喉嚨者脾胃之候若藏熱喉則腫塞神氣不通服方 生烏鬚十兩升麻三兩羚羊角通草

芍藥各二兩薔薇根升切生地黃切五猪脂二斤艾葉六銖生 右九味吹咀綿裹苦酒一升淹浸一宿

內猪脂中微火煎取酒盡膏不鳴為度去滓薄綿裹膏似大杏仁內喉中細細吞之

行義 烏鬚即射干苦寒有毒本經專主喉痺咽痛升麻升散結氣羚羊弛筋散風通草通行經絡芍

藥和血通痺薔薇根除風解毒生地黃滋陰化熱生艾辛溫散結猪脂潤膈利咽苦酒收斂咽瘡端不

出南陽苦酒湯成法

治喉腫痛風毒衝心胸方 豉半升犀角 射干 杏仁 甘草略二芍藥三兩梔子七枚升麻四

兩羚羊角半一兩 右九味吹咀以水九升煮取三升去滓內豉煮一沸分三服



**行義** 風毒而用射干升麻羚羊芍藥即前烏髮膏中之半射干之攻解風毒可謂峻矣猶恐其力不逮更濟之以杏仁香豉辟除惡毒犀角梔子專治火逆甘草款留諸味於膈上不使藥力易散也

治喉腫胸脇支滿方 灸尺澤百壯

治風毒咽水不得下及癩癧腫方 升麻 芍藥 射干 杏仁 楓香 葛根 麻黃 甘草 兩

右八味咬咀以水八升煮取二升半分三服○又方 以水服良薑子末兩錢匕神良

**行義** 八味藥中惟楓香脂專疏肺氣芍藥收斂營血餘皆開發風熱之用觀前烏髮膏及治風毒衝

心胸二方例推自明 又取良薑之走而不守專攻風毒用水服之以解在上標熱也

治喉癭方 荆瀝稍稍咽之效○又方 燒牛角末酒服之良○又方 臘月猪尾燒末水服之○又方

含雞屎白良○又方 熬杏仁令黑含或末服之○又方 巴豆去皮針線穿咽入牽出良○又方

馬蘭子半升水二升煮服一升半服之○又方 煮桃皮汁三升服之○又方 燒荆汁服之又水

三升者荆一握取一升分三服○又方 刺手小指爪文中出三大豆許血逐左右刺皆須慎酒麪毒

物

**行義** 荆瀝專開經絡痰涎力倍竹瀝 牛屬坤土其角專行陽明燔之能散積血 猪為水獸尾動

屬風取臘月者專治少陰風毒也 雞屎白下氣散腫不特治脹喉痺亦得用之取穢惡之氣以攻穢

惡之毒也 杏仁橫散泄肺熬黑則泄氣下滯從陷胸中悟出 巴豆性烈破結故能引毒外泄然僅

可施之黎霍若膏梁柔脆之質未許輕試也 馬蘭入陽明血分有破宿生新之功服救無不宜之

桃皮功專和血有辟邪解毒之用 燒荆汁服其力稍遜於瀝然無寒滑傷中之虞元氣瘠薄者宜之

治喉癭及毒氣方 桔梗二兩水三升煮取一升頓服之○又方 附子一枚破作大片蜜塗炙令黃含

咽汁含盡更塗炙如前法○又方生薑二斤搗取汁蜜五合微火煎相和服一合日五○又方 刺大

蒜塞耳鼻日二易



〔行義〕

喉痺多屬於火然證有陰陽真假治分逆順緩急若不為辨晰差之毫釐相背千里詳仲景熱傳少陰例二三日咽痛有桔梗湯方與甘草用同此恐甘草性緩不能治效忽之患故單用一味以取專功若少陰病虛陽暴逆咽痛則當用後蜜炙附子又非桔梗可以藥治也 蜜炙附子含咽略借辛溫氣味以通其陽而化假熱以非真陽本虛故無取於峻溫況得蜜製得甘緩從治之義 薑汁和蜜煎服取其辛甘以散虛火之逆 蒜塞耳鼻雖係外治亦是熱因熱用從治散結之法

治喉痺卒不得語方 濃煎桂汁服一升亦可末桂著舌下漸咽之良○又方 煮大豆汁含之無豆用豉亦佳○又方 以酒五合和人乳汁半升分二服○又方 燒甘草作灰一指撮水服之○又方 芥子末水和傅之乾則易○又方 高陸苦酒熬令濃熟傅之○又方 末桂心如棗核大綿裹著舌下須臾破

〔行義〕 桂味辛甘達竅善走廉泉開通喉痺最捷若用苦寒則轉閉塞不通矣 大豆汁不獨解毒兼能療風但性緩不能治龍雷之暴逆 人乳和酒服專滋咽喉乾燥卒不得語當非閉塞腫痛之比 吹草受氣最多燒灰服之取蒸發津氣於上也 芥子辛散豁痰 高陸利水達竅以毒攻毒外用咸宜 桂末著舌下重補綿裹之法有所引動則穿破毒泄矣

治喉卒腫不下食方 以韭一把搗熬傅之冷則易○又方 含上好醋口舌有瘡亦佳

〔行義〕 韭味濁惡專散惡血醋味酸寒專斂口瘡丹方中之可法者

治懸癰乘熱暴腫長方 乾薑半夏等分末以少小著舌上○又方 鹽末以筋頭張口桂之日五

治懸癰咽中生息肉舌腫方 羊蹄草煮口含之○又方 鹽豉和塗之良○又方 取四五歲小兒尿合鹽含之

〔行義〕 懸癰暴腫龍火使然陰邪必用從治故用薑半之辛以散之 鹽醮筋頭點之鹹能要堅降火也 羊蹄根汁取其散腫 鹽豉和塗取其化熱 童子小便取其降火

也 羊蹄根汁取其散腫 鹽豉和塗取其化熱 童子小便取其降火

也 羊蹄根汁取其散腫 鹽豉和塗取其化熱 童子小便取其降火

也 羊蹄根汁取其散腫 鹽豉和塗取其化熱 童子小便取其降火

也 羊蹄根汁取其散腫 鹽豉和塗取其化熱 童子小便取其降火

也 羊蹄根汁取其散腫 鹽豉和塗取其化熱 童子小便取其降火

也 羊蹄根汁取其散腫 鹽豉和塗取其化熱 童子小便取其降火

也 羊蹄根汁取其散腫 鹽豉和塗取其化熱 童子小便取其降火

也 羊蹄根汁取其散腫 鹽豉和塗取其化熱 童子小便取其降火

也 羊蹄根汁取其散腫 鹽豉和塗取其化熱 童子小便取其降火

也 羊蹄根汁取其散腫 鹽豉和塗取其化熱 童子小便取其降火

也 羊蹄根汁取其散腫 鹽豉和塗取其化熱 童子小便取其降火

也 羊蹄根汁取其散腫 鹽豉和塗取其化熱 童子小便取其降火

也 羊蹄根汁取其散腫 鹽豉和塗取其化熱 童子小便取其降火

也 羊蹄根汁取其散腫 鹽豉和塗取其化熱 童子小便取其降火

也 羊蹄根汁取其散腫 鹽豉和塗取其化熱 童子小便取其降火

也 羊蹄根汁取其散腫 鹽豉和塗取其化熱 童子小便取其降火



凡喉痺深腫連頰吐氣數者名馬喉痺治之方 馬啣一具水二升煮取一升分三服○又方 鼈中  
蒼耳三七枚燒末水服之○又方 馬鞭草根一握勿用水截去兩頭搗取汁服之良○又方 燒穀  
奴灰酒服之立破

**〔衍義〕** 喉痺數數吐氣如馬擺鼻者風氣壅於血脈也 馬性祛風弘靈樞馬膏專治中風口僻此用  
馬口時時啣嚼之鐵以鎮攝風毒也 蒼耳散顛頂之風取鼈中陳久者燒灰以治在上陳久之風氣  
馬鞭草專散咽喉風毒血 結穀奴灰專滌胃中不正之氣也

母薑酒 咽門者肝膽之候若臟熱咽門則塞而氣閉若腑寒咽門則破而聲嘶此證宜服之乃效 母

薑汁二升 酥 牛髓 油各一 桂心 秦椒各一 防風半 芍藥 獨活各一 兩 右九味為末內薑

汁中煎取相淹濡下髓酥油等令調微火三上三下煎平旦溫清酒一升下三合膏即細細吞之日三

夜一○又方 丹參 升麻 雄黃 杏仁 兔白 甘草 射干各一 麝香半 兩 右八味為末蜜

丸如梧子飲下一丸加至五丸日三酒服亦佳咽痛失聲不利用之良

**〔衍義〕** 肝為將軍之官肝盛則龍雷上逆而咽門氣閉膽為清淨之府膽虛則痰涎內迫而咽颯聲嘶

雖有臟腑之分上熱下寒則一肝為陰藏縱屬熱邪法無直折之理故用薑桂椒芍以導陰火防風獨

活以散風熱牛髓油酥專滋血氣之傷也 又方專主寒涎沃膽故用射干兔白雄黃麝香開痰利竅

杏仁升麻升清降濁丹參甘草和血安中其旨全在咽痛失聲與母薑酒各司其任

治咽傷語聲不徹方 酒 酥格一 乾薑料 兩 右三味以酒二合酥一匕薑末二匕相和服日三食後服亦治肺

○又方 酒 酥格一 乾薑料 兩 右三味以酒二合酥一匕薑末二匕相和服日三食後服亦治肺

痛

治啞塞咳嗽方 桂心六 錄 杏仁射 八 右二味為末蜜丸如杏仁大含之細細咽汁日夜勿絕

**〔衍義〕** 此因咽傷而致語聲不徹故用薑桂之辛溫以行血脈之滯薑蒲通草以通氣道之阻酥酒以



滋津液之傷也 其傷之不甚者僅取酥酒乾薑以和肺氣之結痛不須芫蒲桂通草通調氣之阻礙也 若咳嗽聲啞是必誤藥所致又須桂心杏仁和血利氣以挽寒涼傷肺之失

治咽痛逆氣不能食方 麻子一升熬令黑以酒一升淋取汁空心一服一升漸至二升多汗好覆勿觸風冷此方兼理產婦及丈夫中風如用弓反張口噤不開大驗與紫湯氣力同

〔衍義〕 咽因火氣上逆而痛故用麻子清潤肺胃之津液則咽痛自寔出納無礙矣況熬黑酒淋能作汗散火與大豆紫湯無異用弓反張亦得療之

治卒咽痛方 懸木鈎燒末水服方寸匕日三〇又方 燒炊第一枚漿水服方寸匕

〔衍義〕 咽痛起於倉卒明是風火為患因取懸鈎燒末水服以降火消痰并解酒濕之毒 燒炊第一漿水調服取其酸收較前方水服差勝

治卒風咽腫面腫方 杏仁末和雞子黃更搗傳上乾復易之七八度若腫汁出煮醋和伏龍肝傳乾更易之

治口咽方 燒麻子脂服之良

〔衍義〕 杏仁消腫雞子黃清熱傳腫硬最良若腫與汁出又宜醋和伏龍肝末傳之取溫和之氣以收濕熱之毒也 咽痛燒麻子脂服即前麻子熬黑酒淋之變法

治咽喉不利下氣方 射干 杏仁 人參 附子 桂心各一兩 右五味為末蜜丸如指大含一九稍稍咽之令藥味相接

〔衍義〕 咽喉不利多屬真陰虧少不能收攝虛陽而浮擾於上非藉附子之力不能導之歸源前治喉痺毒氣用蜜炙附子含咽此同杏仁射干散毒下氣入參桂心助力散堅較之前法緩急霄壤

治咽喉中痛癢吐之不出咽之不入似得盡毒方 含生薑五十日

〔衍義〕 咽喉忽痛忽癢定屬虛火無疑若係實火則驟發腫痛而無稍寔之時矣生薑辛溫專散虛火



千金要方 卷六

但虛證難期速應故以五十日為期

又方 青布裏麻黃燒以竹筒盛煙熏咽中

**衍義** 風寒客邪久籠於經而化火毒故用麻黃燒煙熏法既散客邪兼泄火毒也

且病第八方五十四首

治腎熱背急攣痛耳膿血出或生肉塞之不聞人聲方 磁石 白朮 牡蠣略 甘草一兩 葱白

生地黃汁各一芍藥四兩 大棗十五枚 生麥門冬六兩 右九味咬咀以水九升煮取三升分三服

**衍義** 腎開竅於耳腎熱則風生於下風生則激於上故欲治腎熱先須鎮攝真精所以首推磁石本

經專主耳聾佐以牡蠣兼地黃門冬則滋益精氣芍藥收斂營血白朮甘草杜風實脾葱白散邪通陽

大棗助諸經補身中不足也

治腎熱面黑目白腎氣內傷耳鳴吼關短氣四肢疼痛腰背相引小便黃赤方 白朮五兩 生薑六兩 元

參四兩 澤瀉二兩 淡竹葉一芍藥 茯苓略 羊腎如餅 生地黃一 右九味咬咀以水二斗

者羊腎竹葉取水一斗去滓澄之下藥者取三升分三服不己日三更服一劑

**衍義** 前方治腎熱生風此治腎虛生熱益面黑明係陽明土衰目白明係少陰水虧故用白朮專培

土衰羊腎專培水虧白朮性滯苓澤佐之羊腎性溫地芍滋之元參淡竹葉專清腎熱生薑專散諸藥

之滯也

治腎熱耳膿血出流日夜不止方 鯉魚腦一枚 鯉魚腸一具 洗 鯉魚頭三枚 烏麻子一升 香 右四

味生搗麻子碎次用餘藥搗為一家內器中微火熬暖布裏薄耳得兩食頃開之有白蟲出更作藥若

兩耳並膿出用此為一劑以薄兩耳若止一耳分藥為兩劑不過三薄使瘳慎風冷

**衍義** 腎熱耳溜膿血明是濕熱蒸凌於上與多年久聾截然兩途魚腦髓本經專主五聾一腦不足



魚腦髓以清少陰水濕之邪守直所謂鯉之治水驚之利水因其相感而用之也

治腎虛寒腰脊苦痛陰陽微弱耳鳴焦枯方

生地黃汁一斤羊腎一具白朮一斤麥麩各一斤甘草一斤乾薑地

骨皮各八兩桂心杜仲黃芪各四兩當歸五味子各二兩白蜜生天門冬汁各三右十四味為末

內盆中取前三物汁和研微火上暖盆取熟更研日曬乾常研令離盆酒服方寸匕日再

行義 此以腎虛而見耳鳴焦枯等證方中僅用薑桂二味辛溫救本反兼地黃天冬清潤治標之藥

過於辛溫救本之味者以其有鳴響火動之擾焦枯水虧之見又不得以治標為事也其用麥麩者取

其消運滯氣耳

治聾鳴汁出皆由腎寒或一二十年不瘥之方

柘根三十斤菖蒲切五斗各用水一石故鐵二十斤燒赤

宿去鐵

右三味合一石五斗用米二石并麩二斗釀如常法酒熟一月封頭開清用磁石噲鐵者三

斤搗為末內酒中浸三宿飲之日夜飲之常飲取小醉而眠取聞人語乃止藥○又方 服天門冬酒

百日瘥方見十四卷○又方 礬石少許以生菖蒲根汁和點入耳中

行義 柘根能通腎氣故聖惠方治耳鳴耳聾藏器者汁釀酒主風虛耳聾瘳損虛羸腰腎冷千金兼

菖蒲故鐵釀酒清磁石末服之輒效治聾諸方無如此之妙應也 又天門冬酒清金降火益水上源

下通腎氣而聾自愈矣 礬石辟除垢膩合菖蒲汁以通利關竅也

治勞聾氣聾虛聾善聾及聾耳鳴方

山茱萸 乾薑 巴戟天 芍藥 澤瀉 桂心 兔絲子 黃

芪 乾地黃 遠志 蛇牀子 石斛 當歸 細辛 菴蓉 牡丹 人參 甘草 附子 茯苓

略二菖蒲一兩 羊腎二枚防風半兩 右二十三味為末蜜丸如梧子食後服十五丸日三加至三四

十九止皆緣腎虛耳故作補腎方又作薄利九竅藥即瘥

行義 諸聾總不出腎虛而為濕熱痰火所巢故專溫補利竅則諸聾悉宜其防風一味昔人所謂鳥

在高顛射以取之也



治耳聾方

巴豆 杏仁各七枚

印成鹽兩顆

生地黃極粗者長一搥半

頭髮燒灰

右五味治下節以綿薄裹

內耳中一日一夜若小損即去之直以物塞耳耳中黃水及膿出漸漸有效不得更著不著一宿後更

內一日一夜還去之依前

又方 草麻子五合

杏仁 菖蒲 磁石 桃仁 石鹽 通草各二巴

豆一分 附子二分 董陸香 松脂各十蠟八兩

右十二味先搗草石令細別研諸仁如脂內於脂蠟

合搗數千杵令可丸乃止丸如棗核大綿裹塞耳一日四五度出之轉捻不過三四日易之

又方

磁石四兩

天門冬 地骨皮 生薑各三兩

山茱萸 土瓜根 牡荊子 茯苓 菖蒲 芎藭 枳實

白芷 橘皮 甘草各二升

右十五味咬咀以水八升煮減半內瀝煮取二升五分

服五日一劑三者乃著散內耳中如後方

又方 磁石四兩 石菖蒲 白斂 牡丹 山茱萸 牛

膝 土瓜根各二兩

右七味治下節綿裹塞耳日一易之仍服大三五七散佳方見十三卷

又方

蠟 松脂 董陸香 草麻 石鹽 亂髮灰 右六味等分為末作丸綿裹塞耳中時易之瘥止

又方

又方 巴豆十枚 成鍊松脂半兩 二味合治丸如黍米大綿裹以著頭著耳中日一易藥如硬微火

灸以汁出乃愈大效

又方 防風 菖蒲 細辛 附子 芎藭各六枚 雄鯉魚腦一枚

咀以魚腦合煎三上三下以膏香為末濾去滓冷如一棗核灌耳中以綿塞之

又方

咀以魚腦合煎三上三下以膏香為末濾去滓冷如一棗核灌耳中以綿塞之

又方

咀以魚腦合煎三上三下以膏香為末濾去滓冷如一棗核灌耳中以綿塞之

又方

咀以魚腦合煎三上三下以膏香為末濾去滓冷如一棗核灌耳中以綿塞之

又方

咀以魚腦合煎三上三下以膏香為末濾去滓冷如一棗核灌耳中以綿塞之

又方

咀以魚腦合煎三上三下以膏香為末濾去滓冷如一棗核灌耳中以綿塞之

又方

咀以魚腦合煎三上三下以膏香為末濾去滓冷如一棗核灌耳中以綿塞之

咀以魚腦合煎三上三下以膏香為末濾去滓冷如一棗核灌耳中以綿塞之

又方

咀以魚腦合煎三上三下以膏香為末濾去滓冷如一棗核灌耳中以綿塞之

又方

咀以魚腦合煎三上三下以膏香為末濾去滓冷如一棗核灌耳中以綿塞之

又方

咀以魚腦合煎三上三下以膏香為末濾去滓冷如一棗核灌耳中以綿塞之

咀以魚腦合煎三上三下以膏香為末濾去滓冷如一棗核灌耳中以綿塞之

又方

咀以魚腦合煎三上三下以膏香為末濾去滓冷如一棗核灌耳中以綿塞之

又方

咀以魚腦合煎三上三下以膏香為末濾去滓冷如一棗核灌耳中以綿塞之

又方

咀以魚腦合煎三上三下以膏香為末濾去滓冷如一棗核灌耳中以綿塞之

咀以魚腦合煎三上三下以膏香為末濾去滓冷如一棗核灌耳中以綿塞之

又方

咀以魚腦合煎三上三下以膏香為末濾去滓冷如一棗核灌耳中以綿塞之

又方

咀以魚腦合煎三上三下以膏香為末濾去滓冷如一棗核灌耳中以綿塞之

又方

咀以魚腦合煎三上三下以膏香為末濾去滓冷如一棗核灌耳中以綿塞之

咀以魚腦合煎三上三下以膏香為末濾去滓冷如一棗核灌耳中以綿塞之

又方

咀以魚腦合煎三上三下以膏香為末濾去滓冷如一棗核灌耳中以綿塞之

又方

咀以魚腦合煎三上三下以膏香為末濾去滓冷如一棗核灌耳中以綿塞之

又方

咀以魚腦合煎三上三下以膏香為末濾去滓冷如一棗核灌耳中以綿塞之

中痛不可忍即止倘耳傾和黃水以蠟調瘥當又時若泥鏡數易之



頭令去內耳中與鼓餅底齊餅上著椒薑益之刺一孔如筋頭透餅於上灸三壯○又方 作泥餅子厚薄如餛飩皮覆耳上四邊勿令泄氣當耳孔上以草刺泥餅穿作一小孔於上以艾灸之百壯候耳中痛不可忍即止側耳傾却黃水出盡即瘥當灸時若泥乾數易之○又方 截箭幹二寸內耳中以麩擁四畔勿令泄氣灸筒上七壯○又方 酒三升壯荆子碎二升浸七日去滓任性服盡雖三十年久聾亦瘥○又方 硫黃雄黃各等分為末綿裹內耳中數日間入語聲○又方 以綿裹蛇膏塞耳神良○又方 淳酢微火煎附子一宿削令可入耳以綿裹塞耳良○又方 礬石 甘草 菖蒲 當歸 細辛 防風 芎藭 白芷 烏賊骨 附子 皂莢略半 巴豆好四 右十二味薄切三升酢漬一宿以不中水雞膏九合煎三上三下以巴豆色黃則膏成去滓內雄黃末攪調取棗核大瀝耳中綿塞之日三易○又方 桂心射八 野葛六銖 成煎雞肪五十 右三味咬咀於銅器中微火煎三沸去滓密貯勿泄以韋筒盛如棗核大火炙令少熟欬臥傾耳灌之如此十日即聾自出大如指長一寸久聾不過三十日以髮裏膏深塞耳使泄氣五日乃出之千金翼云治

**行義**

巴豆辛烈開通閉塞杏仁橫散下氣泄滯石鹽鹹降滋益腎水地黃甘寒逐血通痺髮灰補陰去竅惡血專賴巴豆引入以開通關竅之閉塞也 又方以草麻仁為君專力拔邪外出能出有形之滯物氣味與巴豆相類其相開竅之功董陸治血松脂收濕兼杏仁葛蒲通草葦搗和綿裹塞耳較前方藥品雖繁簡不同而功力不殊也 又方以磁石收攝陰虛龍火上炎耳鳴嘈嘈為主而兼益腎清

火豁痰開竅分解風熱諸味服之以除內病并用後磁石等七味外治之法仍服大三五七散佳取其辛溫達竅以濟前方先清火而繼之以溫補也 其後塞注諸方或用草麻或用巴豆或用附子或用

治耳聾乾貯鹽不可出方 搗白死白項蚯蚓安葱葉中用麩封頭蒸令熟並化為水以汁滴入耳中滿即止不過數度即挑易出瘥後髮裏鹽塞之附後以療蛇 入耳立效○又方 取酢三年者灌之最良次用綿塞半日許必有物出



鯉魚腦及燒鐵投酒飲并以磁石塞耳等方咸不出乎上法可以按證取用 芥子裏內耳中專取温

散柴胡苗汁灌耳中專通少陽 地黃薑法專取暖氣以薰蒸地黃散血之功 豉餅灸法泥餅灸

法及箭發灸筒法總取温散通達之義 酒浸牡荊實服之專治耳聾以其能治風逐濕祛痰解熱也

硫雄二苗塞耳專取温散 綿裹蛇膏取其性竄善開風閉如麝尤妙 醋煎附子內耳散中寓斂

且不令辛烈之氣暴發 礬皂巴豆取其辟穢菖蒲辛附取其開竅芍歸烏賊取其散血防風白芷取

其去風甘草專和藥性醋清辟惡斂肝雞膏滋津化毒雄黃專辟陰邪之固閉也 又以桂心利關竅

野葛治惡風雞肪潤竅取取取取取 白項蚯蚓入葱化汁取其竄穴之性而解熱毒之閉也 陳醋

滴耳專取辟惡利竅 赤膏 治耳聾齒方 桂心 大黃 白朮 細辛 芎藭 乾薑 二兩 丹參 五兩 蜀椒 一升 巴豆十

枚 附子 二枚 右十味咀咀以苦酒二升漬一宿內成前猪肪三斤火上煎三上三下藥成去滓可

服可摩耳聾者綿裹內耳中齒冷痛則著齒間諸痛皆摩若中有病以酒和服如棗許大咽喉痛取棗

核大吞之

行義

耳聾多緣痰濕閉遏齒痛良由寒熱邪故用桂附椒薑以破少陰之結芎藭細辛以散腦戶

之邪白朮丹參逐濕和營大黃巴豆一開執結一破寒結苦酒猪脂與前陳醋雞膏同意但雞走肝而

猪達腎稍有不同其潤竅之用則一可服可摩可治久聾可治齒痛益耳與齒總皆屬腎也

治卒耳聾方 細辛 菖蒲 杏仁 麴末 絡十 右四味和搗為丸乾即著少猪脂取如棗核大綿裹

內耳中日一易小瘥二日一易夜去且塞

治三十年久聾方 故鐵三十斤以水七斗浸三宿取汁入麴釀米七斗如常造酒法候熟取磁石一斤

研末浸酒中三日乃可飲取醉以綿裹磁石內耳中好覆頭臥酒醒去磁石即瘥

治耳聾有膿散方 附子 一兩 禹餘糧 六銖 伏龍肝 龍骨 金底墨 烏賊骨 各半 右末未名方



如皂莢子大綿裹內耳中日一易取瘥不瘥者有蟲如麝香一豆大

治耳聾有膿不瘥有蟲方 酢三合 鯉魚腸一具 右二味和搗綿裹內耳中兩食傾當悶痛有白蟲著

藥去之更入新者蟲盡乃止其藥去蟲還可用○又方 先以紙纏去耳中汁次以礬石末粉耳中次

以石鹽末粉其上食久乃起不過再度永瘥○又方 搗桂和鯉魚腦內耳中不過三四度瘥

**衍義** 細辛菖蒲杏仁麴末草根木實雖能利竅其性本輕僅可以治卒暴之聾 鐵磁釀酒塞耳金

石之品性味沉重力能鎮攝故可以治久聾固疾 附子餘糧伏龍龍骨釜異鳥賊麝香專治虛陽上

泛厥癢致傷膿水淋漓之聾 醋與鯉魚腸專治濕熱上盛厥腫有蟲瘡瘻之聾 礬石石鹽專除濕

熱浸淫之聾 桂末鯉魚腦專散虛火暴卒之聾諸方分治虛實新久天淵

治耳鳴聾方 當歸 細辛 芎藭 防風 附子 白芷各六 右六味為末以鯉魚腦八兩合煎三

上三下膏成去滓取棗核大灌耳中旦以綿塞耳孔

**衍義** 耳聾本屬腎虛然但虛無風火之擾何有鳴響之患此方雖用細辛防風白芷風藥而其所主

全在鯉魚腦髓專達腦戶搜風芎歸滋養營血以化風火附子峻溫骨髓以攝虛陽虛陽斂而鳴響自

除

治耳鳴水入方 附子 礬石各六 甘草各射 通草 細辛 桂心各射 菖蒲 一兩 獨活半兩 右八味

為末以白鵝脂半合稍稍和取如棗核大綿裹內耳中日三旋旋和用一本用葱

**衍義** 水入耳鳴正氣內拒相搏而響故用生附桂心以助真陽祛濕之力細辛獨活以達少陰濕滯

之經通菖蒲蒲以通血脈阻塞之數礬石以辟竅中所著之濕甘草以和方中諸藥之性白鵝脂專力

疏風而能涼利五臟與雞膏猪脂用立

治耳鳴如流水聲不治久成聾著方 掘生烏頭乘濕削如棗核大內耳中日一易不過三日愈亦瘡瘻

及卒風聾病

千金要方 卷六



**行義** 烏頭性專搜風勝濕而生者之性尤速癢亦虛風所致故專取一味無藉他藥

治聾耳出膿汁方 礬石 赤石脂 黃連 烏賊骨 右四味各等分為末以綿裹如棗核大內耳中

日三龍骨一兩千金翼同炒氏

治聾耳痛膿血出方 取釜月下灰薄耳中日三次易換每換以篋子去之再著取瘥止

治聾耳方 取桃仁熟搗以舊新絹裹內耳中日三易以瘥為度

治底耳方 取黃礬燒綿裹內耳中不過二三日愈或以葦管吹耳中附後以瘥耳

**行義** 礬石收濕黃連去熱烏賊散血石脂固斂與龍骨同功 釜月下土溫燥收濕 桃仁溫潤散

血礬石酸澀辟垢也

治百蟲入耳方 蜀椒末一撮以酢半升調灌耳中行二十步即出○又方 火熨桃葉捲之取塞耳立

出○又方 取車轄脂傳耳孔蟲自出附後以瘥耳膿血○又方 以葱涕灌耳蟲即出亦治耳聾

治蜈蚣入耳方 炙猪肉令香掩耳即出

治蛭蚰入耳方 炒胡麻研碎以葛袋盛傾耳枕之即出○又方 以牛酪灌之滿耳即出出當半消若

入腹中空腹食好酪一二升即化為黃水而出不盡更服用之神效千金乳

治耳中有物不可出方 以弓弦從一頭令散傳好膠柱著耳中物上停之令相著徐徐引出

**行義** 椒醋辛酸性味俱竄諸蟲所畏 桃葉性專殺蟲車轄脂走而不守况有鐵氣可以辟蟲 葱

能利竅滑最滑澤使蟲易出 炙肉誘蟲取其氣者投其所好不獨猪肉炙雞尤為蜈蚣所喜 蛭蚰

性喜胡麻炒香以誘之也 牛酪性溫能消蛭蚰以中有酥能與堅花物况此濕熱所化之類乎 一

切蜂蟻蠅及引灌蟲死不能出者莫如弓弦或麻繩剪斷蘸膠粘之最為便捷

五香散 治野炮鷹鷂黑蓮赤氣令人白光潤方 黃芪 白茯苓 萎蕤 杜若 大豆黃卷 商陸



白芷 當歸 白附子 冬瓜仁 杜衡 白礬 辛夷仁 香附子 丁子香 蜀水花膠

酸漿 水萍 略三畢豆 四兩 猪脰 曬乾 右三十二味治下篩取洗面二七日白一年與煎別

洗手面令白淨悅澤澡豆方 白豆麩 三升 麩餅 晒乾 搗篩 冬瓜仁 四合 猪脰 大者二 細切 白茯苓 白芷

白鮮皮 栝萸子 白朮 白附子 白斂 兔絲子 土瓜根 羌活 姜蕤 桃仁 杏仁

商陸 芎藭 各一 右十九味令搗篩入麩猪脰拌勻更搗每日常用以漿水洗甚良○又方 畢豆

麩 栝萸實 方不用 猪脰 細切 土瓜根 白茯苓 姜蕤 各五 皂莢 三挺 右七味搗篩將猪脰拌和

更搗令勻每旦取洗手面百日白淨○又方 白芷 白斂 白朮 桃仁 冬瓜仁 杏仁 姜蕤

各等 皂莢 焙其 右八味為末細篩洗手面時即用○又方 畢豆 麩 黃麩 亦得 白芷 青木香 甘

松香 零陵香 藿香 略二 葵子 冬瓜 子 栝萸仁 四兩 右八味搗篩用如常法

令人面白淨悅澤方 白斂 白朮 白附子 白芷 略二 猪脰 赤汁 研爛 藜本 三兩 右六味為末

先以無菁子半升又酒水各半升相和煎數沸研如泥合諸藥內酒水中以磁器貯封三日每夜取傅

面且以漿水洗之

令人面潔白悅澤顏色紅潤方 猪脰 五具 無菁子 二兩 栝萸子 五兩 桃仁 三兩 右四味以酒和熟搗

傳之慎風日○又方 採三株桃陰乾為末空心飲服方寸匕日三斤細腰身○又方 酒漬桃花服

之好顏色治百病三月三日收

澡豆 治手乾燥少潤膩方 大豆黃 五升 赤小豆 去皮 零陵香子 首蒂 格一 冬瓜仁 茅香 各六 丁

香 五麩 香一 兩 猪脰 細切 右九味細搗羅與猪脰相合和曝乾再搗篩取洗手面○又方 大豆末

二升 猪脰 乾之 朔 種 灰 一 兩 甘 松 香 零 陵 香 兩 白 茯 苓 藜 本 白 芷 略 四 白 商 陸 五 兩 右 九 味

為末調和乾與猪脰相和更搗令勻欲用稍稍取以洗手面八九月令冷處貼之三月以後勿用神良

方

卷六

二十三



面脂 主悅澤人面耐老方 冬瓜仁 白芷 高陸 芎藭略三當歸 藁本 麝香 土瓜根去皮

桃仁略一姜蕤 細辛 防風略半木蘭皮 辛夷 甘松香 麝香 白蠶蠶 白附子 梔子花

零陵香 辟猪脂三具切水漬六日欲用 右二十一味薄切綿裹以猪脂汁漬一宿平旦以前猪脂

六升微火三上三下白芷色黃膏成去滓入麝收於磁器中取塗面○又方 治面上皺黑凡是面上

疾皆主之方 丁香 零陵香 梔子花 桃仁 白磁 茯苓 土瓜根 兔絲子 防風 沉香

辛夷 當歸 麝香 藁本 高陸 芎藭略三姜蕤一作藿香 一本 白芷 甘松香 白蠶蠶

木蘭皮略半蜀花水 青木香 冬瓜仁四兩羊腎脂 鵝脂略半羊髓一升生猪脂三升 右二十

九味咬咀先以美酒五升投猪脂六具取汁漬藥一宿於猪脂中微火極煎三上三下白芷色黃以綿

一大兩生布中絞去滓入麝香末以白木篋攪至凝乃止任性用之良

面膏 去風寒令人面光悅却老去皺方 青木香 白附子 白蠟 白芷 芎藭 零陵香 香附

子略二茯苓 甘松略一羊髓半 右十味咬咀以酒水各半升清藥經宿次日煎三上三下候酒

水盡膏成去滓取傅面如壯若有黦黯皆落

玉屑面膏 治面無光澤皮肉皺黑久用令人潔白光潤方 玉屑細研 土瓜根 白附子 高陸 芎

藭 姜蕤 冬瓜仁 桃仁 白芷 木蘭 辛夷略一兔絲子 青木香 藁本 當歸 黃芪

白蠶蠶 藿香 細辛必射麝香 防風 鷹屎白 蜀水花一合猪胆略半 白大脂 鵝脂 熊脂

三具猪肪脂略一 右二十八味先以水漬猪鵝犬能脂數易水浸令血脈盡乃可用咬咀諸藥清酒

一斗浸一宿明旦生擘猪鵝等脂安藥中取銅鑄於炭上微煎至暮時乃熟以綿濾置磁器中仍以練

繫白芷片看色黃即膏成其猪脂取浸藥酒接取汁安鑄中其玉屑蜀水花鷹屎白麝香為末膏成安

藥中攪令勻旋取傅面 玉屑面脂方 玉屑 白附子 白茯苓 青木香 姜蕤 白朮 白蠶蠶 蜜陀僧 甘松香 烏



頭商陸 石膏 黃芪 胡粉 芍藥 藜蘆 防風 芒硝 白檀 當歸 土瓜根 蘇仁

芎藭 略二 辛夷 桃 白頭翁 零陵香 細辛 知母 猪脂 一升 羊腎脂 一具 白犬脂 鵝

脂 各一 右三十三味切以酒水各一升合清一宿出之用銅器微火煎令水氣盡候白芷色黃去滓

停一宿旦以柳枝攪勻乃用之○又方 令黑者皆白老者皆少方 玉屑 寒水石 木蘭皮 旋

覆花 珊瑚 丁香 土瓜根 蜀水花 白茯苓 芎藭 兔絲 辛夷仁 冬瓜仁 白頭翁

當歸 藜蘆 白僵蠶 青木香 蕪菁子 梔子花 細辛 姜蕤 高陸 白芷 防風 黃芪

桃仁 藿香 前胡 桂心 半夏 白斂 杏仁 靡蕪 芒硝 杜蘅 麝香 秦椒 礬石

秦皮 杜若 升麻 蜀椒 黃芩 白薇 絡 栝蒌仁 一兩 熊脂 鵝脂 羊髓 牛髓 白狗脂

五合 鷹屎白 一合 猪肪脂 清酒 格一 右五十四味咬咀酒漬一宿內脂等合煎三上三下酒氣盡

膏成絞去滓下麝香末攪至凝色變乃止磁器密貯勿洩氣

鍊脂法 凡合面脂先須知鍊脂法以十二月買極肥大猪脂水漬七八日日一易水煎取清脂投水中

鍊鵝能脂皆如此法

治外膏 主面黥黯方 白芷 白蠟 略二 白附子 辛夷 防風 烏頭 零陵香 藿香 姜蕤 略

兩 藜蘆 一兩 高陸 麝香 絡 六 麻油 二合 羊脂 五合 牛脂 鵝脂 略一 右十六味薄切醋清浹經

一宿旦合煎候白芷色黃膏成以皂莢湯洗面傳之日三甚良○又方 雞子 三枚 胡粉 細研 丁香 各

兩 右三味先以醋一升漬七日後取雞子白調香粉令勻以漿水洗面傳之○又方 白礬 石硫

黃 白附子 絡 六 右三味為末以酢一盞漬三日夜淨洗面傳之莫見風日慎三七日可白如雪

白面方 牡蠣 三兩 土瓜根 一兩 右二味為末白蜜和取塗面即如白玉旦以溫漿日洗之宜慎風日

猪蹄湯 洗手面令光潤方 猪蹄 一具 桑白皮 芎藭 姜蕤 白芷 白茯苓 略 三 高陸 當歸 白朮

兩 各二 右八味咬咀以水三斗煎猪蹄及藥取一斗去滓每溫一盞洗手面大佳

卷六

二十四



猪蹄斲 急面皮去老皺生光澤方 大猪蹄一具淨治如食法以水二升清漿水一升不渝釜中煮成膏用洗手面又以此藥和澡豆夜塗面旦用漿水洗面即愈

鹿角散 令百歲老人面如少年時生光澤潔白方 鹿角長一握牛乳三升芫翳 細辛 天門冬 白芷 白朮 白朮 白附子 酥酪酪三杏仁五七 右十一味咬咀先以水清鹿角一百日出之與諸藥內牛乳中緩火煎令汁盡出角以白練袋盛餘藥勿收至夜取牛乳石上磨鹿角取塗面旦以漿洗之無乳小便研亦得

洗面黑不淨洗手面澡豆方 白豆屑二升白附子 甘松香 丁子香 白芷 白僵蠶 鷹屎白 白檀香 白朮 木香一本用芫翳 白鮮皮酪三 大棗 杏仁格三 麝香 二兩 白梅肉枚七 麴三升 冬瓜仁五合 猪脰三具 雞子白七枚 土瓜根用細瓜子 右二十一味先以猪脰和麴曬乾然後合諸藥搗末又以白豆屑二升為散每旦用盥洗十日色白如雪三十日如凝脂神驗千金翼無白僵蠶芫翳

行義 修容諸方多用外傳如五香散中白附專除野黑皂莢專祛毒風水萍開溲發汗去風甚於皂莢冬瓜仁悅澤顏色木蘭皮去面熱皴皴畢豆俗名豌豆善去癩野令人誤認綠豆多謬用之蜀水花乃鷓鴣屎滅癩與鷹屎白同功而悅澤顏色之功過之猪脰善滌垢膩白梅能去惡肉二物皆練皂所用其性可知其餘祛風逐溫和血調氣及芳香等藥未遑悉陳他如鵝脂羊髓猪肪牛酥之類總取潤澤之用不必拘執其方也

鉛丹散 治面黑令人面白如雪方 鉛丹錄三十 真女苑錄十 右二味治下節酒服一乃圭日三男十

行義 面黑屬腎故用鉛丹專祛腎氣發外之滯女苑專泄肺氣本經專祛氣病肘後用酢漿水服十日大便黑二十日面白便止過用則太白大傷元氣所以三十歲不可服中年之後不必復修容色也

白湯皮散 治面與手足黑令光澤潔白方 白湯皮方用糖皮 桃花三兩 白瓜子仁錄三十 右三味治

日女二十日知之則止黑色皆從大便出面白如雪

行義 面黑屬腎故用鉛丹專祛腎氣發外之滯女苑專泄肺氣本經專祛氣病肘後用酢漿水服十日大便黑二十日面白便止過用則太白大傷元氣所以三十歲不可服中年之後不必復修容色也

白湯皮散 治面與手足黑令光澤潔白方 白湯皮方用糖皮 桃花三兩 白瓜子仁錄三十 右三味治

日女二十日知之則止黑色皆從大便出面白如雪



下節酒温服方寸匕日三飲白加瓜子欲赤加桃花三十日面白五十日手足俱白  
治面黑生野炮方 白薇<sup>射</sup>二 生礬石<sup>微</sup> 白石膏<sup>六</sup> 杏仁<sup>三</sup> 右四味研和雞子白夜臥塗面上

旦用并花水 wash 之

治面野炮令人悅白方 栝萸子<sup>六</sup> 白石脂<sup>五</sup> 雀屎<sup>二</sup> 麝香 右四味搗篩別研麝香雀屎白石

脂和合取生兔絲子汁和之如薄泥先用澡豆洗去面上垢膩次以藥塗野上日夜三四度平旦温漿

水洗之

治野黧烏鵲令面潔白方 馬珂<sup>二</sup> 白附子 鷹屎白 珊瑚<sup>略</sup> 右四味研成粉和勻用人乳調

每夜取傳面明旦温漿水洗之

〔衍義〕 馬珂白附鷹屎珊瑚皆滅癩專藥獨不用玉屑者野黧皆血分之滯無暇及於氣分之藥也

去面上厲子黑痣方 夜以温漿水洗面以生布揩厲子令赤痛水研白旃檀取濃汁塗厲子上旦復以

暖漿水洗之次以鷹屎白傳其上

洗面去野黧主悅白方 猪胆<sup>二</sup> 靛豆<sup>四</sup> 冬瓜仁<sup>半</sup> 皂莢<sup>五</sup> 細辛 白朮<sup>略</sup> 防風 白薇 白

芷<sup>略</sup> 商陸<sup>三</sup> 兩

右十味和土瓜根一兩搗絹羅取大猪蹄一具煮令爛作汁和散為餅曬乾再搗

為末羅取鹽洗不過一年悅白

桃仁<sup>二</sup> 澡豆 主悅澤去野黧方 桃仁 蕪菁子<sup>一</sup> 兩 畢豆<sup>二</sup> 升 白朮<sup>六</sup> 合 土瓜根<sup>七</sup> 合 右五味合

和搗篩以酢漿水洗手面

桃花圓 治面黑野令人潔白光悅方 桃花<sup>二</sup> 升 桂心 烏喙 甘草<sup>略</sup> 一 右四味為末白蜜丸如

大豆許每服十九日二服十日易形

一方有白附子甜瓜子杏仁各二兩為七味

〔衍義〕 桃花殺瘧惡鬼令人好顏色桂心治結氣利關節烏喙破積聚寒熱甘草治五臟六腑寒熱邪

氣皆本經主治



治面黥黥內外兼治方 成鍊松脂為末温酒服三合日三服盡三升無不瘥

治面黥方 李子仁為末和雞子白傳一宿即落○又方 甘草二兩 白羊乳二升 羊脰去其細水 右

三味相和一宿先以酢漿洗面生布拭之夜傳藥兩遍明旦以猪蹄湯洗却每夜洗之○又方 白附

子為末酒和傳之即落○又方 桂心 蜜 石鹽各等 右三味為末相和傳之○又方 以上硃

砂研細如粉和白蜜塗之旦以酢漿洗却大驗○又方 白附子 香附子 白檀 馬珂 紫檀各

兩 右五味為末白蜜和如杏仁大陰乾臨用以水研塗面旦以温水洗却忌風油七日面色如蓮花

○又方 水和丹砂末服方寸匕男七日女二七日色白如雪 治人面黥黥膚色粗陋皮厚狀醜方 殺羊脰骨為末以雞子白和傳之旦以白淨梁米泔洗之三日白

如雪

行義 羊脰膏灰可消銅鐵而殺羊角走肝燒之能辟蠱毒與羴羊角相類其脰骨灰散血逐穢取雞

子白和傳以去粗陋厚皮自然白淨○又方 白蜜和茯苓粉傳之七日愈○又方 杏仁酒浸皮脫

搗碎絹袋盛夜取拭面○又方 酒浸雞子三枚密封四七日成傳面白如雪○又方 杏仁為末雞

子白 右二味和夜塗面明旦以米泔洗之 治面多黥黥皮肉粗濇令人不老皆主之方 硃砂 雄黃各三 水銀霜半兩 上胡粉二兩 黃鷹翼一升

右五味並細研如粉以面脂和淨洗面夜塗之以手細摩令熱明旦不廢作粧然須五日一洗面一塗

不過三遍所有惡物一切皆除數倍少嫩慎風日不傳神秘

治面黥黥令悅澤光白潤好及手皴方 猪蹄二具 白梁米一升 右二味以水五斗合前猪蹄爛

取清汁三斗用者後藥 白茯苓 商陸各五兩 姜蕤三兩 白芷 藜蘆各二 右五味咬咀用煎藥汁

三斗并研杏仁一升令煎取一斗五升去滓瓷瓶盛貯內甘松零陵香末各一兩入膏中攪令勻綿裹

之每夜取塗手面



治面黑黧黯皮皺皴散方 白附子 蜜陀僧 牡蠣 茯苓 芎藭各一 右五味為末和以羊乳夜

塗面以手摩之旦用漿水洗不過五六度皮脫黧黯瘡矣

治面黧黯方 沉香 牛黃 薑蔞香 雌黃 鷹屎 丁香 玉屑各 銑水銀六銖 右八味為細末

蜜和以傅之

白瓜子圓 治面黧黯令色白方 白瓜子一兩 遠志 藁本 杜蘅 雲母粉 車前子 白芷 當

歸各一 細辛 柏子仁 桔萸仁 橘皮 白石脂 鉛丹各半 天門冬三兩 右十五味為末蜜和

丸如梧子大空心服二十九日三

衍義 鉛丹除熱下氣而鎮攝陰邪從大便出雲母粉治身皮死肌白石脂斂固肺氣肺氣固則色白

也白瓜子即冬瓜仁令人悅澤顏色杜蘅藁本細辛白芷天冬桔萸佐之以祛在經風氣之滯乃內服

正治法也

治粉滓黧黯方 白斂銖二 白石脂六銖 右二味搗篩以雞子白和夜臥塗面旦用井花水洗面

去粉滓黧黯皴皴及茸毛令面悅澤光潤如十四五時方 黃芪 白朮 白斂 姜蕤 土瓜根 商

陸 蜀水花 鷹屎白略一 防風半兩 白芷 細辛 青木香 白附子 芎藭 杏仁略二 右十

五味為末以雞子白和作挺陰乾石上研取漿水塗面夜用旦以水洗之細絹羅如粉佳

治面粉滓方 熬礬石以酒和傅之不過三上○又方 搗生兔絲苗汁塗不過三上

治年少氣盛面生庖瘡方 胡粉半兩 水銀一兩 右二味以臘月猪脂和熟研令水銀消向暝以傅面

旦起布拭之慎勿水洗至暝又取傅面不過三上 一方有真珠

白膏 治瘡疤疥癬惡瘡方 附子枚十五 蜀椒一升 野葛五尺 右三味咬咀以酢漬一宿猪膏一斤煎

令附子色黃去滓塗之日三上

治面瘡皴方 鷓鴣屎一升為末以臘月猪脂和令勻夜傅之



治面瘡方 木蘭皮一斤以三年酢清令沒百日曬乾為末温酒服方寸匕日三

治面皴方 淳酒二升牛膽 殺羊膽各一 右三味合煮三五沸傳之○又方 薺芘 肉桂略一

右二味為末以酢漿服方寸匕日一服亦治黥黯及滅癩去黑痣○又方 冬葵子 柏子仁 冬瓜

子 茯苓各等 右四味為末酒服方寸匕食後服日三治面疱甚者○又方 生地黃三斤 枸杞根

十根 右二味先搗枸杞根次搗地黃曬乾合篩空心酒服方寸匕日三又服顏如童子此秘方也

梔子圓 治酒瘡鼻皴方 梔子仁 豉升各三 大黃六兩 木蘭皮半升 芎藭 甘草略四 右六味為末

蜜和丸如梧子初服十九日三稍加至十五丸

〔衍義〕 木蘭皮芳香達皮腠本經治大熱在皮膚中去面熱赤皴惡風顛疾陰下瘰濕明耳目婦人尤

宜用之 膽善滌垢淳酒以行二膽之性濕熱為患者宜之 薺芘甘寒肉桂辛散以散皮膚中滯血

血熱為患者宜之 冬葵子柏子仁冬瓜子白茯苓酒服以治面皴津液不充皮膚不澤者宜之 生

地黃枸杞根酒服以滋其血血燥皮枯五心煩熱者宜之 梔子大黃木蘭皮芎藭甘草丸服以滌肺

胃之熱酒客濕熱素盛者宜之 其末後三方鼎峙不可辨

治鼻皴方 薺藜子 梔子仁 豉略一 木蘭皮料斷一 右四味為末以酢漿水和如泥夜傅之日未

出時暖水洗却亦玉滅癩痕

治面上風毒方 玉屑 蜜陀僧 珊瑚略二 白附子三兩 右四味為末以酥和夜傅旦洗之亦滅除

癩痕

治面有熱毒惡瘡方 胡粉熟 黃柏炙 黃連略等 右三味為末取傅上瘡止若瘡乾以面脂調塗之日

三

〔衍義〕 薺藜梔子香豉木蘭皮專治皮膚風熱 玉屑蜜陀僧珊瑚白附子專治肝腎風毒 胡粉黃

連黃柏專治陽明濕熱亦鼎峙三法



治滅癩痕方 猪脂三斤飼烏雞一隻三日令盡後取白尿內白芷當歸各一兩煎白芷色黃去滓內鷹

屎白半兩攪調傳之日三〇又方 禹餘糧半夏等分為末以雞子黃和先以新布拭癩處令赤後用

藥傳之勿見風日二十日瘡十年者亦滅〇又方 白附子 杜若 細辛略半 辛夷一兩 鷹屎白一

合 右五味為末治取傳之亦滅癩痕

治癩痕凸出方 鷹屎白一兩 衣白魚枚七 右二味為末蜜和以傳日三五度良〇又方 鷹屎白二

兩 白蠶殭半一兩 右二味為末以白蜜和傳日三慎五辛生菜〇又方 春夏以大麥麩秋冬以小麥

麩好細絹下篩以酥和封上〇又方 臘月猪脂四升煎大鼠一枚令消盡以生布揩拭癩處令赤塗

之不過四五上

治身及面上印文方 鍼刺字上被以醋調赤土薄之乾又易以消滅即止

孫真人備急千金要方衍義卷六終

千金要方


卷六



二  
金  
華  
石  
卷  
六

子  
文







S957c  
1915  
Vol 2016